

**E. W. DIXON**



**Ka Drama**

**Uba Bah Ia Ka Khia Ka Shon**



*(Baroh ki hok longtrai la tyngkai)*

**-1997-**

Acc. No. 1/3904/BB

Class No. \_\_\_\_\_ Book No. \_\_\_\_\_

Author DKhaz. E L.

Title Ka Drama, Uba bel  
is ka khio ka shon.

Borrower's                     

Acc. No. 1/3904/BB

**DISTRICT LIBRARY**  
**GOVERNMENT OF MEGHALAYA**  
**RI - BHOI**

1. Books may be retained for a period not exceeding 15 days by members.
2. Books may be renewed on request at the discretion of the Librarian.
3. Dog-earing the pages of a book, marking or writing therein with ink or pencil, tearing or taking out its pages or otherwise damaging it, will constitute an injury to a book.
4. *Any such injury to a book is a serious offence; Unless a borrower points out the injury at the time of borrowing the book, he/she shall be required to replace the book or pay its price.*


**Help to keep this book fresh & clean**

**E. W. DEWAR**

---


**Ka Drama**

**Uba Bah Ia Ka Khia Ka Shon**



*(Baroh dei hote longtrai la tynghai)*

**-1997-**



## KA LAMPHRANG

Madien ba nga la ngam ha ki lynter bad ki pyng-kiang jong ka poetry, ka history bad ki khanatang bad ba nga la khlei madan ia ki symboh ksiar symboh paila na ki kpepjong ka jaitbynriew: ka jingsawa ba jar jar ka pasiaw ha nga ban ngam de sha ki pyian ka Drama.

Ha ki por ba nga dang khynnah nga la ju ia shim bynta ha ki babun ki khep ha ki drama hynrei ngam s'gewthuh pat kaei ka drama. Kum ki khynnah ngi ju sngewtynnad eh ban leit peitkai theatre shisien shisnem ba la ialehkai shaphang U Ram bad ka Sita na ka Ramaian nesh-phang kiba bun ki bynta jong ka Mahabharata ba la ialehkai da ki briew jongngi hi ha ka ktien Bangla. Ha ki Social ngi ju iohi ruh ia ki drama khasi shaphang Ka Rongli U Birbal, U Khun Sviem bad U Khun U Myotri, U Stephan na ka Bible U Joseph bad bun kiwei kiwei ki drama na ka Bible bad na ki jing-iathuh khana' Ka Sawdong ka Lyngwiar 'dpei' ki drama Rwai, ki drama shad bad bun kiwei pat. Kaba pynngiah ia nga ban iashim bynta ka long ba hap ban leit hikai man ka miet da ki taiew bad ki bnal.

Kum u nongtrei ka All India Radio nga la pynmih bun ki drama, ki features, ki skit bad kiwei hyarei ngam ju pyrkhath pat ban thoh drama tad ynda nga trei ha All India Radio, Calcutta. Mynta nga sngewthuh ba ka drama ka dei ka atiar ba radbah ba ktik ia ka jingmut jingpyrkhat u briew ym tang ka atiar pynbyr-ngia. Ka don ka bor ban tei, ka bor ban sopspain bad ka bor ban moramot kaba peiba shaduh tynrai ki jingpyrkhat ka dohnud briew.

Kane ka drama ka sei madan bad ka tynrah pyrshah ia kata kaba ki ong ka 'generation gap' kaba ha ka jingshisha kam dei: ka dei pynban ka jinglong jong ka rynieng ryniot jong ki samla pule ka iuk mynta kiba kner khlem kot sha ka jingshemphang bad kiba kut ha ka jingjot bad jingkyllon.

Nga kyrmen ba ki nongpule kin iohi markhmat ia kane ka jingshisha lyngba ki khnong ki khriang kane ka drama bad kin sngewthuh kham janai ia ki daw - poh bad daw-bar jong ka jinglong briew hi.

Nongthoh.

**E.W. DKHAR**

## **Ka Drama**

**Uba Bah la Ka Khia Ka Shon**

Wat la ka jingjia jong ka jingiatakhuh hapteng  
ka hynnin bad ka mynta ba kine ki long iing kala  
jia shi-sha : pyban ki kyrteug bad ki jaka kiba u  
Nongthoh u la pyndonkam ki long kiba la shu mut-  
dur. Kim don jingiasnoh ei ei bad ka jingim jong  
uno uno u briew uba im ne uba jap. Ka shu pha-  
lang madan ia ka lyer kaba la thap beh kyrthep, kaba  
i kumba ka thap pyrkhath ba ka don ka kharai bym  
lah iamir hapteng ki jingmut jingpyrkhat jong ka juk  
mynta bad ka juk mynwei : kaba long tang ka mutdur  
khlem nongrim.

**(Baroh ki hok tynrai la tynkai)**

## **KI NONGIASHIM BYNTA**

<b>U Bah Shondro</b>	<b>—Kum U Kpa jong ka iing</b>
<b>Ka Kong Nabon</b>	<b>—Kum Ka kmje</b>
<b>Ka Lily</b>	<b>—Kum Ka khun</b>
<b>U Nojer</b>	<b>—Kum U Khun</b>
<b>U Bah Khangthong</b>	<b>—Kum U Riewain</b>
<b>Ka Kong Latemon</b>	<b>—Kum Ka Tnga</b>
<b>Ka Shanti</b>	<b>—Kum Ka Khun</b>
<b>U Rangki</b>	<b>—Kum U Khun</b>

**Ka Drama ka iaid ter ter baroh ki jingjia ha  
Kamra khmat U Bah Shondro ha Nongkrem.**



# Ka Drama

## Uba Bah Ia Ka Khla Ka Shon

### Scence I

Ka Kamra Khmat U Bah Shondro ka long kaba heh bad ba la pynbiang jrop nadong hadong da ki jingbuh jingsat, ki miej ki shuki jong ka juk mynta. Ngi iohi ba ka lyer ka beh pyngugad lyngba ki jingkhang it katba ki kjat sngi basyaid ki shad hapoh kamra. Ki pyrda ryngkat ki rong ki rup ki nang pynitynnad shuh shuh bad ki ia mir bha slait bad ka persyntiew ha phyllaw.

Tang shu plie ia ka perda ngi iohi ia U Nojer u long u samla uba dang 18 snem bad ka Lily kaba dang 17 snem ka rta. Baroh arngut shipara ki long kiba bhabriew bad ilup haduh katta katta. Ki shai ka khmat lymphuin kum u 'nai khatsaw synia. Kat kiba iohi ia ki. kim lah khlem da pyrto ia ka jingbha bok rong ki kmie ki kpa ban ioh ki khun kiba kum ma ki. U Nojer u thiah lyngngeh halor ka shukijem bad u pule kot khubor, katba kiwei pat ki kot ki phriang lyngkrang ha madan Ka Lily ka riam bha sharatjak bad ka main jong ka kaba lshongkun haduh katta katta. Baroh arngut ki riam jingphong ialehkai bad ki ap paralok ban ialehkai Batmington. Ha kane ka por ka reng hajan ka tape-recorder ban tem ia kawei ka gazette thymmai kaba hit bha. La ki jingmut jingpyrkhat jongki ki iapher bad kim iaparpain, pynban ki ia kren bad iathuh khana da kaba kmen Ka long kumjuh ruh bad ki paralok jongki, ka Sianti bad U Rangki kiba wan ban ialehkai.

Nojer : (Khlem da phai na ka Kot khubor) Phim ngiah hep ban tem shitem ia kata ka juh shi ka juh naduh hynne !

- Lily : Wa ! kane ka dei ka gazette thymmai kaba hit haduh wow ! Phi kymaw em ia kito Paitpurawiong ? Kane kein !
- Nojer : Paitpurawiong ! Phanang sha kharai .... ieit shi ieit .. nga la sngewjlep hi thui.
- Lily : Phim bang sek ? Ale ngin iashad. Wa tang ki ktien ne ! Waw tang ka sur ! Sngap ba ki kyoh ki kyriat.
- Nojer : La shoh kaba shoh .....
- Lily : Balei phi thiah hajuh ? Ieng, join bad nga ! Ani ka jingmuja !
- Nojer : Nga kwah ba U Rangki bad Ka Shanti kin poi noh.
- Lily : La katno baje sha katto Bah ? Ki ong te phi ba kin wan noh tang shu dep dihsha !
- Nojer : Phone phi sha ki bad ong ba kin wan kloii.
- Lily : Phone hi kein.
- Nojer : Ko men jaituh
- Lili : Phi tip Bah, U Rangki u don jingmut ban ban leit pule biang. Phi pat phi ong kumno ? Hynrei u kpa jong u pat u ong ba kan kham bha ba un shong shuwa shisnem.
- Nojer : U bapli dang 17 snem te, ka bha ba un da shong shuwa.
- Lily : Hynrei un dap pat 18 snem ha u December !
- Nojer : Phi sngewthuh em hep ia ka jingiapher pat : ba la dap 18 snem bad ban dang dap 18 snem ! Kane kein ka dei ka jingstad jabieng jingkhein.



Lily : Bah.. Bah, U Rangki bad ka Shanti ! la wan (Ka leit plie jingkhang) Shanti, phi la poi seh ?

Shanti : Hoid Lily, kumno phi ia long ? Ia shaid hi em ?

Lily : Hoid Lily, ngi la ia ap ia phi la slem lano shi lano ba phin wan. Rah kito ki racket shapoh, rung... rung.

Shanti : Ngin ia leit be't em sha madan. (Ka Shanti bad u Rangki ki rung hapoh kamra).

(Ka Shanti wat la ka jong hynrei ka bha-briew bad plieh sniehdoh bad ilup kynthei bha ka khmat. Ka la dap 18 snem. Ka don ki khmat kiba shai bad ba phyrnai ryngkat ka dur khmat kaba wiat rymmuin. U para jong ka u Rangki u dang 17 snem ka rta. U don ka met ka phad kaba i ksah tylli bad ba khlain bad ka sniehdoh kaba lam byrsaw. U rah artylli ki racket. Tang shu rung ma ki, u Nojer u ieng joit naba thiah lynggeh).

Nojer : Kumno Shanti ? I phrik bha haduh wow !

Shanti : Hoid kein ! Phim ju iohi kumno u syntiew u long shuwa ba un slor !

(Ki ia rkhe artad shaw)

Nojer : Oh, shisha, ngi klet ban ia khublei !

Shanti : Tang khublei seh ! Dei ban iadoh de.

Lily : Doh, te, tang hiba iashad kein bad ba la ktah jynhoh.

Nojer : Bah Rangki, baroh shitaiew ngim shym ia kynduh !

**Rangki :** Hoid kein ! Kumno phi long ?

**Nojer :** (Da kaba kdew sha ki racket) Balei artylli ?

**Rangki :** Donkam hi em ! Mynshym taiew, ka racket jongnga ka dkut string hapteng ka jingialehkai bad nga la shitom jingmut hi khoit. Kane ka ai jinghikai ia nga ba barabor dei ban don kawei ka spare.

**Nojer :** Hangne kata ka jia ! Ha Stadium !

**Shanti :** Phi tip em Bah No, U Rangki mynta u la triem bha.

**Nojer :** Bah Rang, nga sngew phin dang leit puie biang ?

**Rangki :** Nga mut kein, tang ba I Pa pat I ong ban shong noh shuwa shisnem.

**Nojer :** Balei mo ? Kumno kito ki ia long mynta ?

**Rangki :** Jlep phi .....

**Shanti :** (Ka kem ktien) Kaba shisha ! Phi tip em katno ka jingngiah ban don uwei u shuti ha iing ! I Pa te I ba tang ka biria lynter tait. Phi tip, naduh ba I rung haduh ba I mih ka iing ka shu long kumba iap, shu kdang thui khlem bamja.

**Nojer :** Ban biria, ha ka jingshisha kam don ei ei. Phi ruh phi ia biria lang em ! Ngi pat te markhongpong. Phin da pom da u sdie ruh I Pa im ju biria. Ka iing ka shu kynjah da ka jingtieng. Dei ban kren thik tang ia kaba dei. Palat nangta te .....

**Lily :** Nga iaroh ia I Pa ba im ju biria thala : I kren da kaba beit bad I ia id da kaba beit.

Rangki : Ba phim pah kein ia I da ka khor. Tiak tang shu dei phin sa iohi.

Nojer : Ia I Pa ! Kam ktah ei ei. I bat thik la ka jingtip briew bad ka iktiar kum u kpa.

Shanti : Bah No, phi pat phi dang wan mynno na Sor ?

Nojer : Dang kumto hi shuwa ban dih sha sngi.

Rangki : Ngi te ngi ia wanpoi myrhynnia.

Shanti : De, ka jingsngew laitsuid mo tang shu lait na skul.

Nojer : Nga te ngam sngew ei ei phi bad nga kwah ban leit class mar mar. Nga ngeit ka jingim college kan long khampher shibun.

Lily : I Bah te, I la i Rangbah bha ym dei Shanti naduh ba I la lait High School.

Nojer : Kaba shisha Lily kaba phi ong. Nga sngew-tuh tang na ka Jacket ruh, ka la sdang jyndong. Phewse nga dang mut lashai ban leit thied da kawci.

Rangki : Hangno Bah No phi shait sngewjuh ban phah suh ?

Nojer : Ngam sngew nangrai te phi. I Pa I kwah ban pynsuh ha Hills katba nga pat nga sngewlah ha Deemlight ne ha Snowwhite. Kine shisha kiba da don fashion and style.

Shanti : (Ka phai sha U Rangki) Hep, ai lem phi kato ka snat jongphi. Nga sngewtyrniut sat ka khlieh. (Ka pynkhih la ka khieh bad u pta lut u niuhkhlieh).

Rangki : (U twat ia ka pla) Oh ! nga la klet ha iing phi Kong.

Lily : (Ka phai sha u Nojer) Bah, ai ka jong phi seh.

Nojer : (U twad ia ka pla bad u sei) Shim kane Shanti. (Ka sei ia ka it napoh beg bad sad artad Nangta Ka Lily ruh ka sat bad pynbeit la u shniuh.)

Rangki : Bah Nojer, nga sngew phin leit pule Law em!

Nojer : Hoid, nga don jingmut. Ia mynta hi nga shem ba kane ka profession ka long kaba jaidsew bha. Tang khalu khala phi la tei jingmaw. Nga kyrmen ha kata ka por phin wan bam dinner bad nga ha Shillong.

Rangki : Ai lem kato ka snat ha nga phi Kong Lily. (U shim bad pynbeit bha ia ia u shniuh : U ai ha U Nojer bad ruh u sat bad thep noh ia ka hapoh pla.)

Nojer : Nga te tang shu dep Law ngan join politik.

Shanti : Ha kano ka Party mo phin join ?

Nojer : Haduh mynta ngam pat don jingmut, tang ba, haba don nar hangta. I pa te I dei I Congress : nga pat ngam i don chance te phi hangne ha rilum. Ban jop, te lah ka party Riewlum : nangta sa ryngkang kein kumba leh lem kito ki lok.

Shanti : Nga te nga lah U Sing: ngan niom beit ha U Sing.

Nojer : Phi I Kong Shanti, kine ki Party ki kwah ia ki briew kiba kum ma ngi, kiba wan na ki school bad ki college kiba bha: kiba nang phareng kum ki sim bad kiba sngewthuh bha ia ka Modern life.

- Rangki :** Phi te hoid kein Bah Nojer, phi lah ban rai katba phi mon: nga nga da hap phi ban pan jingmut na I Pa. I in pynsawa ha nga barabor ba nga dei ban shimti ia ka kam jong I: namar I ong ba ka jingbymroi jong ka jaitbynriew jong ngi ka long ba ki khun kim ju bud ia ki kpa.
- Shanti :** Yn sa lei ka ! Hynrei phim dei pat ban kynnoh ia I Pa. I bapli I kwah kein ba la kumno kumno u khun shynrang u dei ban shimti ia ka kam jong I.
- Rangki :** Kong, phi I dei hi ia nga ban long u riw said! Phi ngeit ki briew kin shaniah bad burom kumba ki leh ia I Pa ?
- Nojer :** Na ka sur jong phi Rangki nga lah ban sngewthuh shano ka lyer ka beh: shano ki jingmut jingpyrkhat jong phi ki her
- Rangki :** Ban iathuh hok ia phi ngam mon ban sah ha iing ..... ..
- Nojer :** Katba ki kmie ki kpa jongphi kin nym khmih lynti ia phi ba phin leh kumta. Wat khuslai, nga lah ban wan shuti kai bad phi teng teng. Nga hi ha lade, nga tang shu lait college ngan pynbor ia I Pa ba I dei ban thied iing ia nga ha sor,
- Rangki :** Kumta te hoid kein, nga lah ban wansah lang bad phi ! Ban sah hangne nga la ngiah: Sohlah shi sohlah, kubi shi kubi, nga la sngew kum u 'niangbam khyndew.
- Nojer :** Ka jingai jingmut jongphi kaba dei. Nga hi nga kham mon ban sah sha dong Laitumkhrath te phi namar ba ki briew ki kham long mod bad broad.
- Rangki :** Ia nga te kam pher hangno hangno ruh, tang ba ka dei ban long ka jaka pdeng.

**Shanti :** Nga ruh te phi, nga la kdang thui ban shong ha nongkyndong.

**Nojer :** Nga lei lei te phi nga la poi syndon ha ryndang .....

**Lily :** Ngam tip te phi balei sang ki kmie ki kpa jong ngi ki kwah ban im kum ha kane ka shnong. Teng teng nga sngew kum ka riewkhlaw.

**Nojer :** Lehse I Mei bapli I pyrkhath ba kan long khambha ban seh sha kham kyndong sor khnang ban ioh trej ei kane katai tang lait ktj lait kjat ban ia kaba shu shong eh skui skui khlem kam khlem jam.

**Lily :** Haba ngi dang khunlung te ka biang kein : ban ioh erpyngngad ban koid ban khiah krad ; hynrei mynta ynda ngi la heh la san I la dei kein ban pyrkhath thymmai.

**Shanti :** Phi tip Kong Lily I Mei jongngi I ong kumno ? Kane kein ka dei ka pdeng, tang shikynta shiteng la poi ha Sor : ka iew ruh kane hajar, ngin khuslai aiu ?

**Nojer :** Phi i Shanti, kine ki tymmen kim sngewthuh ei ei. Ki klet ba ngim dei shuh ki khunlung,

**Lily :** Hoid kein Bah phim i haduh mynta ruh I Mei im ju shah ia nga ban leit thied jain hi. Baroh pat kaba I thied ka long out-fashion : im mon ia nga ba ngan jed hi.

**Rangki :** Ia ngi pat te, I Pa I shah beit. Naduh ba ngi dap 15 snem ngi leit thied hi kat kat ba ngi mon.

**Nojer :** Nga ruh bad I Pa ngan hap ban lakhru tyngah. Nga tang shu leit college, I dei ban ai beit shi-shi hajar shibnal.

Rangki : Phi ngeit in mynjur seh ia kata ?

Nojer : Da ka trick kein : Pan shihajar in ai phraspah, te ym la biang !

Rangki : Im donhok ban leh kumta. Hato phi dawa khlem sngewthuh ne ?

Nojer : Nga tip im don hok. Mano heit ba ong ia I ban pynwan briew ia ugi sha ka pyrthei. Hato im shym leh ia kane tang namar la ka jing-sngewbha ? Shong hok pat haba I la leh kumta ba in dang kyntait pat ia la ka jingkit khlieh ! I dei ban bsa bad pynbiang ia ki jingdonkam jounggi baroh.

Rangki : Nga ia mynjur bad phi. Ki dei ban kitkhlieh ia kaci kaba ka jingieit bad jingkmien ka la pynmih. Ngi long tang ka bailap jong ki em ?

Nojer : Ynda nga la sah ha Laitumkbrah, I Pa I dei ban pynbiang ia nga phra-phra spah tyngka shibnai. Phi tip em Rang. haba phi dang sdang ia ka profession hap hi ban shah shitom shipor.

Rangki : Nga ruh, lada I Pa I shah bad I pynbiang phraspah tyngka shibnai : ngin iasah lang bad ngin ialeh phrik bha.

Shanti : Katba nga nang shah shkor ia ki jingiakren jongphi, ka dohnud jongnga ka diaw bad ka jew. Balei nga ruh ngam lah ban ioh la ka iing ha Sor ?

Lily : Oh Shanti : Katno nga sngewieit ban pyrkhat ia kata !

Shanti : Nga la jlep phi hok ban sahleng ha iing. Nga kwah la ka mon.

Nojer : Haba kumta, te balei phim shong kurim noh ?

Shanti : Bad no ? Ia mynta te ngam put kwah phi. Ngan ap haduh ba ngan da dap 25 snem. Shuwa kata ngin enjoy shuwa kein ia ka pyrthei.

Lily : Katno phi ong ? Arphewsan snem ? La lap ba tymmen kein ! Nga te tang 22 snem nga la pyniaid iew.

Nojer : Haba kumta balei phim ong ia I Pa ban shna iing kyrpang ia phi ha Sor ?

Lily : Phi ju iohi seh ia ka khmat I Pa ! (I pyrthuh artad ia ka rukom leh jong I) I bapli I pyrkhat nangno shuh yn ioh iing kaba palat ban ia kane bad I da sngewsarong ruh ia ka. Ha ka jingpyrkhat jong I, ngi long ki khun kiba donbok haduh katta katta. Ban shu ia kren kai noh hangne, I bapli I pyrkhat ba kat ka skum jong I ym don ha pyrthei. (Ryngkat ka rkhe bein artad)

Nojer : Ah, U tymmen bieit bapli !

Shanti : Na ka bynta jong I te ka biang : hato ka biang na ka bynta ki khun ruh ?

Rangki : Phi ong kumno kumno ruh; I Pa jongngi te I palei mynsiem.

Shanti : Hynrei nga sngewsynei pat ba I pyrkhat ia ngi kum ia ki para ki parelok. Hato kam long kaci kaci kaba dumjingmut ba ki khun kin peit sha la u kpa kum u paralok ? (Ka rkhe artad kak)

Rangki : Kaba lehrain tang ba im sngewthuh, yn leh kumno ?

Shanti : Na kawe pat ka liang kaba myntoi pat : shu balia kumne kumtaj phi ioh lut ia, kaba phi kwah.



Nojer : Ha nga hi sbimet Shan, nga sngew ba ka long kaba jah burom ban biria danda bad la ki kmie ki kpa.

Shanti : Haba ki sdang hi teh, yn sa leh kumno ? Sa kawei pat kaba kham danda shuh shuh ka long ba ki kwah ia ngi ban long kum ma ki. Kim sngewthuh ei ei ia ki jingmut jingpyrkhat jong ngi. Ki ha la ka pyrthei, ngi ha la ka pyrthei.

Rangki : Ngam lah phi ban klet ia kato ka sien ba I Mei I ong ia I Pa hana, ka por ka la biang ban iathuh ia U Rang ia ki jingshisha ka jingim.

Nojer : Phi ong kumta Rang !

Rangki : Phi I Rang, nyngkong I sdang da kaba phuh mat : suki suki pat I shu sawkyrang hi lain kum u kyie. Nga da johi ba I da phuh syep phuh syar haduh ba ym i don pyrthei shuh.

Nojer : Haba kumta phi leh kumno Rang ? (Bad ka rkhe artad)

Rangki : Te phi mut ngan ong kumno heit ? Pa, phi la sahdiem 10 snem !

Shanti : Nga sngewsynei pynban phi ban pyrkhath ka jingsah bieit jong kine ki tymmen.

Rangki : Khnang ban nym ktah ia I nga la shu leh sammut lebrain. Nga ngeit I sngewthuh ba nga sngewthuh. Hadien nangta I ong, Rang, shim kine 10 tyngka ban leit ia dihsha shipara.

Nojer : I Mei bad I Pa pat ki ia long kumno Lily ?

Lily : Kumto hi kein kumba ju long, yn pher haei ?

Shanti : Phi la ia kynduh ia I Pa naduh ba phi wan shuti ?

Nojer : Oh, em. Nga ngeit mynta ka sngi in wan namar ka dei ka 2nd. Saturday. Phi i Lily, nga shu kyli ia kane ; la ngin ioh ne em ka kali ban ia leit kai.

Rangk1 : Kumta te hoid kein.

Nojer : Phi i Rang : mynta nga la dep na skul. Nga la dei em ban ioh la ka kali ? (U phai sha ka Lily) Phi la pynsawa ei ei ia kane ha I Mei ?

Lily : Nga la shu siaw : bynrei I ong pat baroh ka shong ha ka jinglong ka pyrthei bad ka trei ka ktah namar ngi shanjah ia lade ha ka business bad ka contract. Ka shong shibun eh ha ka iew ka hat bad ka die ka thied.

Nojer : Contract shi contract ! Supply shi supply ... tang kata hi shitir.

Shanti : Phi tip Bah No : nga sngewtynnad bha ia I Pa jongphi.

Lily : Shish phi, talngeng I bym tip ei ei.

Shanti : Phi tip Lily, nga kham lah u Kpa talngeng ban ia u kpa shutia uba shu biria khlem sbal.

Nojer : Ng1 te ngim ju tip ei ei shaphang I Pa lait tang ba ngi ia kynduh ha ka por'bam. Kaba jlep phi ym dei Lily ?

Shanti : Jlep, kam long ka ktien kaba sngewtynnad.

Nojer : Phim tip seh Shan Ha ka por bam I Pa  
I shong tlup tlup kum u maw. im ju kren  
briew : I taw heit la ka ja. Katba I Mei  
pat pat I kyrkai kum u Diphong ia kane  
ia katai, hana ban pyniar pynproh ia ka  
jabieng jonggi.

Shanti : Kata te ka jingim hapoh jing kein .....

Nojer : Dei kata kein ba nga sa ong ba nga la  
ngiah la jlep thoin. Ym don ufe ei ei. Tip  
ei ioh ba ngi ruh ynda ngi la tymmen  
ngin ia long kumjuh !

Lily : Yn iapher aiu !

Rangki : I Pa jongphi I la dap katno snem ka rta ?

Nojer : Tharai 42 snem ei ei, ne kumno kumto Lily ?

Lily : Hoid kein : I shongkurim mynba I dang  
23 snem ka rta bad I Bah mynta I la 18  
snem.

Shanti : Kata shuwa ka thma Bangladesh kein, ym  
dei ?

Lily : Ia kata te ngam tip phi.

Nojer : Tang kawei kaba ngi donkam ban kynmaw  
ka long ba u briew ne ka briew hadien 40  
snem ka rta, ki long ki bymlarkam  
shuh : ki mawjynthut ka jingim naba baroh  
ki jingsngewbha ka jingim na ki ki la tlol lut.

Shanti : Nga hi ha lade ngam ngeit ba ka long kumta.  
Hynrei, wat la ka long kumta, ngin leh  
kumno bad ki ? Phim lah ban shu bret noh  
ia ki kum ia kato ka khana U Ksew-lop-bniet

**Nojer** : Ha ka jingshisha ka Mariang hi kala dei ban pynwai noh ia ki tang shu dap 40 snem.

**Shanti** : Hato ki pat ki sngewtynnad ia kane ?

**Nojer** : Balei kin khohnioh bad sdien bad ka jingim ? Kila ioh la ki sngi kiba bha. Kila pyndep ia kaba ki kwah baroh. Wat ki nongthoh kiba khraw haka pyrthei ki pynmih ia kiei kiei kiba khraw tang haduh 40 snem. Hadien nangta kim don ei ei shuh kaba khraw ne baphylla ban ai ia ka pyrthei. Ban lei ban im palat ban long ka jingban khia ia lade bad ia kiwei ! Ka bha ba kin leit noh ha ka por kaba biang ban ailad ia kiwei pat kiba hadien.

**Lily** : Hoid, nga ia lade ngam khmih lynti han im haduh 40 snem : tang 30 snem la biang pura.

**Nojer** : Kata kaba shisha, ailad ia kiwei pat. Kum ban shu pyni : nga bad I Lily ngi ieit ia I Mei bad I Pa . .....

**Lily** : Ki ruh ki ieit ia ngi : ia kane ym lah ban len.

**Nojer** : Hynrei ngim lah pat ban shu khapbrip ba kin long diengpyngkiang ia ka jingim jong ngi ki samla. Peit ia I Mei katno ba I phikir bad I strict ia ngi ha ka leit ka wan ka iaid ka ieng : peit kumno I ai sermon bad moral lesson man ka sngi, sngew kumba ma ngi kiba bieit eh ; katba I pa pat kyr-tlup ryngkat ka dom riang bad ka dumok tang tang shu bakla : sngew kumba shong ha mental hospital

**Lily** : Kaba shisha Bah kaba phi ong.

Nojer : Hynrei ngim lah pat ban len ba kila lehbbha lehshun shibun eh na ka bynta jongngi da kaba phah sha skul kiba bha babba bad pynbiang ia ngi katba ang. Hynrei ngi ruh ngi la jeit bed kohnguh ia ki bad ngi la long ka jingkmn bad jingkyrkhu em ia ki !

Shanti : Ia kata mano ban len. Baroh baroh ki pyrto ban ioh ki khun kum ma ngi.

Nojer : Mynta ba ngi la ia heh : nga neeit ngim donkam shuh ia ki - kila ngam-u-lot. Ka jingdon jongki kam long shuh ka jingkyrkhu, pynban ka jingjynthut ia ka lawei jongngi. Ngi dawa namar kata, ia ka jinglaitlud.

Rangki ; Kata ka jingong jongphi kaba sngewshongnia haduh katta katta.

Nojer : Ia kata Bah Rang, nga snewthuh : bad nga kren ia ka jugshisha. Ym dei ba nga shu balia siangsdiéh khlem jingmut. Slem nga la khan la puson halor kane ka phang. Ngi la diang ban pyrkhat da lade ia lade bad ka pyrthei ka dei ka jongngi. Ki kmie ki kpa jongngi ki donhok aiu ban teh ban khum ia ngi ?

Rangki : Kim donhok don lynti ei ei ruh em. Kila dep la ka phrah : ngi ruh ngin leh la ka phrah.

Nojer : Hoid kein, balei kin leit khanglad ia ngi ban ioh la ka bynta ? Phi i Rangki, ban enjoy life ngi donkam peisa, bad dei ban ioh ia ka haba ngi dang palwan ka met : yn leh aiu peisa ynda la shiteng rta !

Shanti : Phim iohi Bah Rangki, katno ki bukbir ki khapnap i kumba kin leit kit sha bueng.

- Nojer : Katba nga kynmaw, I Pa I la trei business la slem bah : bad I la dei ban don bun ka saving. Kan long kaba bieit ia nga bad ia I Lily ban ioh ia ka ynda ngi la rangbah bym shohjyntah haei haei ruh.
- Shanti : Kaba dei kaba phi ai jingmut : hynrei kumno pat ngin shu pyniap ia kine ki bapli ?
- Lily : Ngam ngeit bah phi nud ban leh kum ia kata ka kam !
- Nojer : Haduh uta u pud te em. Ka jingsngew briew ka don hi. Hynrei lada nga iohi pat ba ka jingim jongki ka long kaba b. n khia pynban ia ki, shisyndon nga hap ban pyn-iaw ia lade.
- Lily : Sngewbha wat kren kumta Bah Phim tip haduh katno ka pdang ka dohnud jongnga wat haba nga phah pyniap ia U Blacky ba pang.
- Nojer : Phi I Lily, wat la ka long kham thamula ban pyrkhat ruh, ngan khlei mynta. Ym dei ba nga kwah ban long u riewrunar. Ha ka pyrthei mynta, u briew ne ka briew hadien 40 saem kim don dor shuh. Namar kata, dei ban pynkut neh ia ka jingim jongki : te namar ba ngim put shai haduh katta bad ngam tip la ngin shai hadien 50 snem.
- Rangki : Balei phi ong kumta Bah Nojer ? Ngim put iohlad kein. Wawailad, phia sa iohi kumno ngi ki samla ngi leh.
- Nojer : Ynda nga la pyrkhat bha halor kane ka phang, nga ngeit ngim pat dei ban pyrkhat triem eh.
- Rnagki : Phi mut ban ong aiu pat da kata ?

Nojer : Phi i Rangki, nga mut kumne. Tang shu dap 40 snem ki Rangbah baroh ki dei ban shongthait bad aiti lut kat ia kaba ki don ha ki khun. Lada jia pat ba kim don spah ne kamai kajih, ka Sorkar ka dei ban bsa ban sumar ia ki : lada ki don pat, ki khun ki hap ai baibam.

Rangki : Bah Nojer, phi la pyrkhat ia kaba dei eh. Da kunne kan pynhun baroh arliang.

Nojer : Ia I Mei bad I Pa, ma nga bad I Lily ngin pynbiang beit ia ki san-san spah tyngka snibnai Ngin thaw iwei i iing rit ha Bhoi ryngkat ka kper ba kin rep kin riang khnang ba kin ioh pynmih svep mihsvar shitymmen. Ngam artatien baroh arngut kin suk kin kmen : ngi pat teng teng ngin leit jngoh ia ki.

Lily : Hoid kein Bah, I Mei I shait phohsniew barabor ban long nohrep.

Shanti : Phi da thikna Bah Nojer ba Sanspah tyngka kala biang ha kane ka pyrthei rem mynta ?

Nojer : La biang bha hi kein. Na kper kin ioh kyrhai ki soh ki pai bad ki jhur ki jhep. Kin pyn-lut peisa haei ? Kaba donkam ka long tang u khaw.

Lily : Shisha, lada ngi lah ban leh kumta, kan muja bha.

Shanti : Bah Nojer, ynda phi la ioh nongkynti ia baroh khoit ki jingdon jingem, phin leh kumno ia ki ?

Nojer : Sa ia rat kata ruh. Nyngkong ngin die noh ia kane ka iing bad ngan thied da kawel pat kaba jling ha Sor. Nga bad I Lily ngi lah ban iasah lang haduh ba ngan da leit iing briew.

**Lily** : Tang ioh lad ban sah ha Sor, ngan enjoy la ka jingim. Man man ka sunday pat ngan leit bam khana pyngngad sha Khwan. Ka ktuk kad ohaud jongga ban pyrkhat ia kata,

**Nojer** : Nga pat tang shu long MLA : donbok lei lei ban long Minister, pha la win jling ka pyrthei.

**Rangki** : Ha kata ka por nga la ioh la ka Private Car : ym la tдем hi thui !

**Nojer** : Ha kata ka por nga ngeit ba ka pyrthei kan khambha bad kham mynnad shibun ban ia kaba long mynta. Ha lade ngam engewthub kumno kine ki tymmen ki pyrkhat ba ki tip khambha ban ia ngi ? Ah ki bapli ki riwrim bad ka sopti pyrkhat rim ! Kim tip ba ka mynta bad lawei ka dei ka jongngi ? Kim dei ban hun kuen. Ngin leh kat ia kaba ngi sngewhit.

**Shanti** : Bah Nojer, phim shym wan shuti la kham slem ym dei ?

**Nojer** : Hoid kein Shanti : laibnai nga sngew kumba la laiphew snem, Bad ha kine ki laibnai nga la pyrkhat sani bha, halor kare.

**Rangki** : Nga ruh tang shu ioh lad, ngan leh kum ma phi.

**Nojer** : Ia phi kam da donkam eh. Phin long u riwain kum I Pa hi. Bad suki suki phin sa ioh lut baroh.

**Lily** : (kynsan kynsan) I Mei ila wan .....

**Nojer** : Khreh....khreh kloi... ..

**Rangk** Ale..... ale noh.



**Shanti :** Ngim shym ia pynbeit pat ha kano ka rukom ngin ialeh kai?

(Katba ki dang ia khreh, u Rangki u shim ia ki racket bad u plie ia ka jingkheng. I Kong Nabon bad I Kong Latemon ki rung. I Kong Nabon I long I briew iba kynthuit lieh snehdoh bad ha dondur dondar : katba I Kong Latemon pat wat la I shu byrsaw snehdoh pynban I long iba ilup briew kyntiak kum ka khun. Baroh arngut kila metjaw shiteng rta. Ki riam bha kyntiak ryngkat ka tah rong tah rup Kim pat tym-men kumba iakren ki khun, wat la kim tip ba ki khun ki la dep pynkut tarik ia ki.)

**Nabon :** Wa, kine ki khynraw ki dang ia don ha iing !  
Nga la nang pyrkhat phi la ia don ha madan !

**Lily :** Ngin ia leit neh bi Mei, kumne.

**Nojer :** (U Kren ia I Kong Latemon) Nah Mon, phi khlain bha ?

**Latemon :** Wa, I Nojer du : Phi la rangbah bha mynta !

**Nabon :** Hoid kein Kong Mon, synjlain la kum u ei.  
Khie ..khie leit lehkai neh.

(Baroh sawngut ki mareh sha madan katba I Kong Nabon bad I Kong Latemon ki ia shong thuh khana lorni ha kamra : ki da sei la ki snat bad jingtah shyntur ban pynbhabriew ia lade)

**Latemon :** Kong Bon, U Nojer ym tang ba ula rangbah hynrei u don ruh ka main ka maia kumba ot. Phi dei ban pikir bha ia u. Phi tip em ia ka jinglong ki kynthai mynta ?

**Nabon :** Ha ka liang kata te, Kong Mon, ngam khuslai ei ei. U long uba hok shida bad um ju buhrie ei ei.

**Latemon :** Phi ong kumta ! Katta ruh kine ki samla mynta ki tharai ba ki khamslan maki ban ia ngi. Shish, kin leit ia dei haei. Ki la ju bna ngi ialeh aiu kat ka rta jongki ? (Ki ia rkhie artad kak)

**Nabon :** Nga hi ngam kwah phi ba kin iasan kloi than eh. Mynhynne nga da kylla dur haba nga iohi ia U Nojer lweng une tang hadien hynrjew bnai.

**Latemon :** Mat ia san seh ! Yn sa lei ? Ki briew mynta kim tymmen kloi Haba nga leit jingleit bad Ka Shanti, ki briew ki nangmut ba ngi ia long shipara.

**Nabon :** Kata te kaba shisha. Phi phim shym duna ei ei : kynjmoin hi ka juh. Ka jingtymmen bad jingsti kim kem ia phi namar ba phi kham byriong ka sniehdoh : ym dei kum ma nga kaba met shai.

**Latemon :** Em phi Kong Bon : phi ruh phim shym duna ei ei. U niuhkhieh jongphi uba la pynphuh pynphieng sat phi.

**Nabon :** Haba nga dang samla lei lei, ki ong ym don artad. Hynrei ngam tip la ki ithuh ne em ba nga shu make up hangne hangtai.

**Latemon :** Tang kawei kaba paw ka long ba ka durkhmat ka kham i jaw.

**Nabon :** Phi i Kong Mon, ngam da kwah ban da paint palat : tak tiak hangne hangtai, la biang.

Latemon : Dang do ho kiba peitsuh ia phi na kyndong kyndong.

Nabon : Phi mut aiu haba phi ong kumta !

Latemon : Phi mut ngam don khmat seh ! U wan leh aiu uto U Bah Bung hynne ka miet ?

Nabon : Shisha seh ! Nga nangmut u wan donkam !

Latemon : U ong aiu kein haphi ba u da kren pynum shyntur bad pyndem niuhmat haduh katto ?

Nabon : Tharai ym don khynnah en hajan ! U ong hana kumne : ngam tip te phi balei tang tang shu rohi ia phi nga shu lamwir marwei marwei wat la nga tip ba phi don u lok. Ba kumta ngam sngew lah kun shuh khlem da pynpaw.

Latemon : Phi ong kumta : u kren hapoh party ne habar ?

Nabon : U sdang ha kato ka por ba ngi dang ia bam ; bad dei tad haduh ka por ba ngi ia shad ba u pynkut syndon trait.

Latemon : U snah bha ban shad ym dei ?

Nabon : Wow ! uba la snah palat. Thik la kum u niargkynthah um.

Latemon : Nga sngewthuh u kwah ban tynjuh ia phi kumno phi pdiang ia ka. Ki shynrang kiba kiba sianti ho ! Kynmaw, kito kiba la nang eh ka stad ki long puittangkuli ha ka jingim bad kum ki sim kynthah syntiew ha ka longiing longsem. Haba kumta, phi aidak aiu ia u ?

**Nabon :** Ngan aidak aiu (ryngkat ka rkhe), nga shu rkhe. Beit nga iatnuh ia u ba nga long ka kmie jong ki arngut ki khun kiba la samla ! hynrei tdot um ngeit : u ong pynban ba ngan iathong 1000 tyngka lada nga la palat 25 snem.

**Latemon :** Nangta, u ong aiu pat ? Sngewieit sat !

**Nabon :** Nga ong ia u ba ka khun nyngkong jong nga ka la l& srem ka rta : hynrei ngam shym iathuh ei ei pat shaphang u Nojer. Da kumne phi i nga shu phalang tiak ba lada u tharai ba u dang biang ka por u lah ban pyrkhat.

**Latemon :** Phi la leh ia kaba dei eh ba un sngewthuh.

**Nabon :** Nangta u ong pat kumne - lada ka long kumta, phi la shong kurim dang khyannah kein. Hamar kata ka por nga peit suh artad lip sha u bad nga ong artad - nga tip ba ngam pat da rangbah katta.

**Latemon :** Ia kata nga la sngewthuh : nam-r nga la peit shin bha kumno phi leh jyllip bhabriew mynba phi iasnoh bad shad bad u : dei kane kein kaba la ktik pynpyrkhat ia ka dohnud jong u.

**Nabon :** Ha ka jingshisha ngam shym da thmu, ka shu long hi la ka long kumno kumto. Nangta u shim ia ka kti jongnga bad u kren da ka dohnud baum u ong, ngam tip la nga sngewthuh ne em ba ka kti jongnga ka kham ring ha u ban ia ka kti ka samla lut,

**Latemon :** Oh, ban pynkhyllaw ki shynrang kiba stad ho ! Ki leh holy kum bym bna ei ei thik kum u miawwa ia ka kharang. Phi dei ban

tip ruh ba ka khmat mangkariang jong ki  
shynrang mynta ki kham noh sha kiba la  
don la don lok te phi.

Nabon : Nga ngeit ka dei ban don ka daw.

Laitmon : Nangta shuh I ong aiu ?

Nabon : Da ka khmat ba i lui-lui khlem jingsuba I  
kylli ia nga la I Kpa I don ha shno.g ne  
em, bad nga la jubab ba lait tang ha ka  
sugi U Blei im ju don shnong. Nangta I  
la khroh ia nga ban ia leitkat bad i sha  
Umran da ka kali.

Latemon : Phi la kohnguh seh !

Nabon : Em phi, ngan leit biet shae ! Ia u briew  
ruh ngam pat ithuh ..

Latemon : Phia ithuh kumno kein haba phim pat ju  
iakynduh ;

Nabon : Ban leit bad u, ym dei nga la lehsang ia  
ki khun ?

Latemon : U kpa ki khun pat : u muja ia lade man  
man ka snei U Blei ! Kam pher aiu lada  
phi leit bam lyer bad U sha Umran ?

Nabon : Phi tio em Kong Moa, nga dei ka briew  
kaba kumno !

Latemon : Ngam ngeit ba phi pjah slam slam kumba  
phi pynpaw. Ioh phi shu leh mynleh ei ?

Nabon : Niuma, ngam long dohiap kumba ong : hyp-  
rei phim dei ban klet ba u kpa ki khun u  
long u briew uba hok bad ba shida, uba  
tip ia la kam ka duk : te balei ngan pyn-  
mong ia u !

**Latemon :** Yn pynmong aiu haba um tip ! Un lap ba don jingiapher aiu haba um iohi ! Nalor nangta, phin ioh dawai pynsamla naci lait na kaba u samla u ai ! Tang ba kynmaw ia kaei kaei kaba phi leh, da husjar : lym kumta la twa ka pyrtthei

**Nabon :** Lehse don jingshisha hangta ! Ka jingiatip lem pat ?

**Latemon :** Kong Bon, lada nga kren shisha naduh ka dohnud, ngam ju pynmong ne leh bymdei ia u kpa Nya pynbiang nadong hadong : hynrei nga buhrieh pat ia kiba dei ba ngan buhrieh, Dei kane kein kaba la pyniphuh bad pynisamla sah ia nga haduh katne.

**Nabon :** Nga sngewthuh aiu phi mut ban ong : hynrei nga pat ngam sngewnang te phi ban leh kumta !

**Latemon :** Nangno ngan ioh u tnga uba kum U Khangthong uba hok bad uba pynbiang nadong hadong : hynrei ngan nym lah pat ban ieng lyngba katta ki snem ban pynsngewbha ia u lynda nga don eiei sha lyndet.

**Nabon :** Ha kawei ka liang don bok ngi ki kynthei ba ki kpa ki leit trei baroh baroh shisngi : oh, ba kin leit don sah ha iing baroh baroh shisngi te phi mo !

(Ki ia rkhié artad)

**Latemon :** Haba kumta I Bah Shondro I long kumno ha kine ki sngi ?

**Nabon :** Kumto kein phi kumba ju loh, in pher aju !

**Latemon :** U juh shi u juh, ka pynkdang ym dei ?

**Nabon :** Khatkhyndai snem kam dei ho kaba kai !

Latemon : Kan leit kai shaci phi : la da Jlep hi thui kein.

Nabon : Pynban ngam doa ei ei pyrshah ia I namar ba I pynbiang.

Latemon : Phim ju ia phoi seh teng teng.

Nabon : Ia phoi te em phi. Loh ban iapher jingmut hateng hateng. U kum u briew u don la ki jingduna : mano ba biang lut ?

Latemon : Duna, te ngi ia duna lut hi : hynrei kham duna ki shynrang ban kren ia kata.

Nabon : I kpa I don ha la ka pyrtnei : hynrei ha ki eh ki khen I don barabor haj-n. Ban ong lei lei ha ka liang jong ka pynriam pynheit iing, thalngeng im don ei ei : pynban I long I briew I ba palei jingmut bad I bym ju khniun Shisien ba I la shaniah, I la shaniah : ting kane ka dei ka iingduna jong I. Bad kawei nga tip ba u ieit ia nga kumjuh kumba ula ieit myn 19 snem. Namar kata, ban wohdaw ne wad jingbakla ka long ka pop.

Latemon : Kong Bon, ngam mut satia ban ong kumts : kaba donkam ka long ba phi dei ban tip lut shaphang jong I.

Nabon : Tang kawei Kong Mon ; kumno in sngew ba lada I tip ba lyngba kine ki 19 snem ngam da suitniew than ia I ! Ha kane ka liang ngi ki kynthai te ngi kham shalak phi katba ki shynrang kim baa ei ei. Ki shlotom ruh ban sngewthuh ia ngi, ne phi ong kumno ?

Latemon : Kaba shisha : ngi loh ia kane ka kabu kaba ki shynrang kin loh.

Nabon : Wat la nga ieit nga sngewbha ; hynrei teng teng pat I pynngiah ia nga : la katta ruh ngam aud pynmong pat ia I.

**Latemon :** Im don sap em tang ban biria ruh ? Nga ngeit im don ka bor ruh ban iaroh ia kiei kiei kiba itynnad !

**Nabon :** Ia kata nga tip : hynrei ngan buh kawel ka jingkylli kaba shyrkhei na phi. Tharai mynta phi sah riewkynthei. phi leh kumno ?

**Latemon :** Kong Bon, kaei kaba ka kynthei kam la mad !

**Nabon :** Nga te nga sngewsih phi lada I Kpa I iap. Ka dohnad jongnga kan pat bad ki ummat kin thar : hynrei kato sem pat ngu lai sngewsih bad lai kyumaw la I ?

**Latemon :** Kata te ka dei ka ain jong ka mariang kein. Ngam pat ia kynduh ka briew kaba don kum ka dohnuh jong phi.

**Nabon :** La katta ruh nga ngeit shen shen ngan sa klet non bad sa shisien ngan sa kmen biang : ne phi ong kumno ?

**Latemon :** Nga ngeit bad u niuhkhlieh uba kdor rym-phum phi kham bhabriew arshah ha ka jingsngewsih.

**Nabon :** Nga hi, lada I kpa I iap ngan nym shongkurim shuh. Ka la biang ia ka kynthei ban shongkurim tang shisien.

**Latemon :** Nga te Kong Bon, nga sngewtynnad hi ban don shynrang. Ha nga hi marwei ka jingim khlem u rangbah ka long ka jingim kaba blaw bad kynjah : ka jingim kaba khlem phoida.

**Nabon :** Shimet ia lade nga don bun ki lad ki lynti. Nga niew ba ka jingim kaba sngewtynnad, ka dei ka jingim kaba phi lah ban leh katba phi mon. Kum ka sim kaba lait na ka ruh ngan pyiar la ki thapniang kat sha ba ka



dohnud ka lam Hyirei katba I Kpa I dang  
don ngam lah ban leh kumta : ngam lah  
ruh ban leh katba nga mon...

Latemon : Ban leit jingleit lei lei shitymmen ka long kaba  
hta<sup>1</sup> sat, kam don jingim : bad ki lok ...  
kyrhai ..

Nabon : Ka bha pat em na ka bynta ki khun !

Latemon : Shisien pyrkhat ka dei ngi te ngi lah mad  
phi mo la ka bynta ka jingim. ne phi  
ong kumno ?

Nabon : Ia kata ym lah len : ngi la leh la ka bynta.

(Hamar kata ka por wan rung U Nojer, Ka  
Lily, Ka Shanti bad U Rangki)

Nojer : (Da ka khmat kaba i diaw) Shitom phi mei  
ban ialehka<sup>1</sup> ha ka thie ka madan : ki maw  
khohruh khohram, uwei u line shaei uwei  
shaei.

Nabon : P n ong kumta khun ! Da iashna kein ! Sar  
ia ki maw bad pynjlieh ia kaba at ba them.

Nojer : Sa pynong phi mei ia I Pa ban phah da u  
misteri ban weng lut ia ki maw bad thung  
da u phlangjem. Lym kumta te phi, yn long  
ialehka<sup>1</sup>. Nga sngewlehram pynban phi mei  
haba ki wan ki lok.

Lily : Ale, ale ngin ia di<sup>1</sup>h umsoh shuwa ...Haei phi  
buh kumto mei ?

Nabon : Hapoh ka almari khun. Da ialeh biang biang.

Nojer : Ngam sngewthuh mei. eh aiu mei ban pynioh  
ia ngi ka jaka ialehka<sup>1</sup> kaba bha ! Phi la  
tip ba ngin wan shuti te balei phim pynkhreh ?

- Nabon** : Ha ka jingshisha khun, nga la kren ia kane  
ha I Kpa : hynrei I ong ba mynta dang  
duna peisa than, yn sa ia peit pat.
- Nojer** : Lehse I Pa im sngewthuh ba mynta ngi la  
san. Lada I kwah ia ngi ban don ha iing,  
I la dei ban pyrkhat kloj
- Nabon** : Khun, balei phi kren kumta. I Kpa I la  
pyrkhat bha shaphang kane, hynrei ka banse  
ka khanglad ia I Phim iohi haduh katno  
I ieit ia phi bad katno I ialeh shitom ban  
pynbiang ia phi ?
- Rangki** : Tang ia rat shihajar tyngka ruh im lah seh  
ban sei !
- Nojer** : Shihajar tyngka kan long aiu ha I Pa lada  
I mon : ba im mon kein. Ki peisa baroh  
I dei ban pynlut namar jongngi em !
- Nabon** ; Kaba shisha khun kaba phi ong : hynrei ka  
don ka por ia kiei kiei baroh.
- Lily** : Ale baroh ka umsoh la khreh . ....
- Shanti** : Ale, aie baroh... . ....
- (Ka don ka jingtied ha jingkhang)
- Nabon** : Mano mo kumta, haba nga la iathuh ba ngan  
nym don ha iing mynta ka sngi !
- Nojer** : Phi mut ki briew kin da siew seh haba ki  
wan tied ijng ?
- Nabon** : Balei phi kren kumta Nojer ? Don bun ki  
marjan marpa kiba donburom sawdong  
jongngi. Nga ngeit ka long kaba sngewtynnad  
ba kin wan shipor arpor ban ia bam kwai  
shikyntien ar kyntien.

(Mar kumta ia ka ringkhang jong ka kamra khmat la plie bad ka wan ka sur kaba kylli la I Kong Betemon I don ne em hangta)

Latemon : Mano kumta mo ! I Kpa ne !

Nabon : Lily, peit khun mano kumta ha kamra khmat ?

(I Lily I pyrta : I mama Khangthong I Mama Khangthong)

Khangthong : I Letemon I don hangne seh !

Nabon : Hoid I don, rung rung Bah Khangthong.

(U Khangthong u rung ryngkat ka pynhjar mynsiem jlan. U long u briew uba jrong bad ba riambha bad ka rta kumba 40 khlieh ne U don ka durkhmat kaba shai bad ba iblait rymmuin. Man laba u kren u rkhe ryngkat ka pnah biria )

Khangthong : (U phaj sha ka Latemon) Nga wan ha ling nga i ka khangtala, nga ia pyrkhath bi ba phin don hangne. (Liek u iohi ia U Nojer) Wa, Ine pat I dohlap I poi mynno shane ?

Nojer : Dang kumto bi phi mama ha ka por dihsa sngi.

Khangthong : Mynta ha phi la dep skul te la khampher ym dei ?

Nojer : Ka shu long hi kumta Mama.

Khangthong : Kynmaw Nojer, kito ki sngi ki long ki sngi kiba bhatam ha ka jingim. Shisten ba kila leit kin ym nym wanphai. Naduh mynta, phin hap ban sdang ke jingim kaba thymmai.

**Rangki** : Ki sngi ba bha : Phi mut ban ong kumno ?

**Latemon** : Rangki, da kumta seh phi kren ia I Pa ?

**Khangthong** : Jeh u mat kren seh : un burom leh aiu  
ia nga !

**Rangki** : Iathuh ia nga lano phin shna bha ia ka  
madan ialehkai ? Phi la kular hi em !

**Khangthong** : Mynta te ym pat long te Rang : ym put  
ioh bill, ngin sa peit

**Rangki** : Ban sa, ngam kwah. Iathuh shai phi leh ne  
phim leh phi bat ne em la ka kular ?

**Khangthong** : Lada phi pynbor eh haduh katta te Rang.  
ngan hap pyrkhat. (Da ka khmat kaba  
rem u phai sha ka Lily) Ine I shapulot  
pat, I long kumno ? U syntiew u skud  
ula puh : ka por kane la hoin-hoin :  
lano phin pyariew kek ?

**Lily** : Ia mynta te ngam pat don jingmut phi Mama.

**Khangthong** : Balei kumta ?

**Lily** : Haduh mynta ruh ym pat don ba swait, te  
ya riew kek ha ei ?

**Khangthong** : Ym don ba swait ! I Shanti pat I ioh  
shithi jan ar-lai tylli man ka tajew : ym dei  
kumta Shanti ?

**Shanti** : Phi leit ia ngeit sa ia I Pa .....

**Khangthong** : Phin leit ngeit, nga tip seh (U phai sha  
U Rangki) Balei lieh mem propose ia I  
Lily ? Ia peitkai me ong in kyntait ne  
in pdiang !

Rangki : Ngam dei ho Pa uba kum maphi : nga sngew-  
thuh kano kaba dei biria kano ka bym dei.

Lily : (Ka phai sha U Rangki) Ko 'khoh snem !

(Ka Latemon ka kem ktien)

Latemon : Balei kpa phi wan kloj mynta ka sngi ?

Khang- : Ba nga kwah han rohj ia phi kein mynsngi  
thong mnsai, don jingpher ei ei ?

Latemon : Wat shu pashad leta seh kpa ia u thylliej : I  
nat ha phi ia ia mnen eh ha office phim lah  
tyigkan shuh.

Khang- : Ya leh kumno kmie : nga la pyrshang hynrei  
thong ngam lah. Ka dei ka jinglong tyrai jongnga  
plus ka jingmien ha office. Hynrei wat  
la nga dandanga phulia ruh, ban iathuh  
hek ia phi nga wan khnang dangshai ban  
iakyrduh ia I Bah Shondro.

Latemon : I Kpa ! Khatei I leit trei hynne ! Im don  
seh ha office ?

Khang- : Nga la it ia I kum'la u thyrna  
thong

Nabon : Kata te lakut ! Shano in leit ?

Khang- : Mga wan wad jingtip khnang naphi kein ! Nga  
thong la khusai haduh wow !

Nabon : (Ryngkat ka leh kyndit) Phi khusai balei mo ?

Khang- : I khlem iathuh ei ei seh ia phi !  
thong

Nabon : Em, balei ? Don ei ei ne ?

**Khong-thong** : Nga ngeit u pyrkhath ba lynda dei kaba da  
jyndeih haduh katta, un nym kwah hi ban  
iathuh ia phi : lehse ia kata phin sa tip.

**Nabon** : (I da leh pisa lynga) Kaei kaba haduh katta eh?

**Khang-thong** : Nga la bakla ba nga la kum lait ...

**Nojer** : I Pa I kyllon buaid ne ha Sor ?

**Khang-thong** : Khynnah, ka bha ia phi ba phin leit ialeh-  
kai shuwa sha bar Kane ka dei ka kam  
rangbah : ym bit ba ki khynnah kin sngew.  
(U phai sha Ka Latemon) Knie, phi lah  
ban shong.

**Nojer** : Mama, lada don ei ei kaba Pher khot ia  
ngi : namar, I mei in sa iathuh hi baroh  
ba ngi ynda phi la leit.

**Shanti** : Ale, ale baroh (ka Shanti bad u Rangki ki  
march sha madan) u Nojer bad ka Lily ki sah.

**Nabon** : Bah Khang, nga ngeit kane kam dei ka kam  
biria

**Khang-thong** : Kong Bon, ha ka jingsbisha ; nga kwah ba  
: kan long kumta. Phi la pule em ha U Maw-  
phor ia ka jingsiat iap U Nijon ia lade !

**Nabon** : Sngewshyrkhei ym dei ? Nga shu ithuh  
khmat ia U namar ba nga iashong bus lang  
mynshem taiew.

**Nojer** : Une u brieve u dei uei mo ?

**Khang-thong** : Sngap ngan iathuh : U Nijon u long uwei  
: na ki nongiatrei kam Contract iba I Pa  
jongphi I shaniah eh. Da ki lakh ki peisa  
ki ia trei kam lang. Ia kane ka peisa I Pa

jongphi I shim na Bank bad I ai ha u ban  
pyntrei. Lada im lah siew te ladep em !

Nabon : Phi ong kumta. Baroh shikatta nga nang-  
pyrkhat I trei hi : kumno mo in shu leit  
shanjah beit ha u ?

Khang- : Ha ka kam te phi : ju lah hi ban trei  
thong khlem ki lok ? Wat nga ruh ngan jin da  
la shanjah da ki lakh ha u briew uba bha  
kum U Nijon.

Lily : Haba kumta Mama, jia aju ia I Pa ?

Khang- : Katta phim lah sngewthuh shano ka lyer ka  
thong beh ! Lada ym don lok ki ban dipha ladep  
em ! Ka ram haduh ki niuhmat em !

Lily : Phi mut ban ong aju haba kumta Mama ?

Khong- : Ka business jong I kala duh kein !  
thong

Nabon : Haba kumta (Ryngkat ka kiuh) phi ai jing-  
mut kumno ?

Latemon : Peit, ia mynta phim put dei bad khuslai :  
ap ia ka por.

Khang- : Nga ngent I don bun ki lok kiba lah ban  
thong bahkhala ia I. La kumta ruh ka kam ka  
jam te kala sdot iar. Nga tip I don katto  
katne ka saving bad I lah ban khjekhlich  
biang namar u long u briew uba bha bad ba  
minot bad ki lok ki leit bha ia I.

Nojer : Lada kumta Mama : ngin hap die noh bad  
iing bad kali !

Khang- : Ia kata ngam nang ong : namar I don ka  
thong : nam babha kyheng.

Nojer : Kata te kam da sniew eh keja Mama.

**Khang-thong** : Lait sa tang ba I la p'nnam lut ia ka spah ka hajar ha ka kti U Nijon

**Nabon** : Phi ong kumno kumno ruh, mynta te ngi la shong thylli em !

**Nojer** : Phin khulai lei Mei ia kata. I pa I ba khlain kum u kulai bid I nang lut ia ki kam baroh. Lada I im sa 50 snem, sa peit in leh kambah.

**Nabon** : In khyllie daei kein ? Haba baroh kaba I don kala sep ?

**Khang-thong** : Phi lohj ei ei kaba pher haka khmat jong I hynue ka miet ?

**Nabon** : Ym don dak ei ei ruh em.

**Khang-thong** : Mynstep pat shuwa ban mih ?

**Nabon** : Ia kata ngam tip namar ngam shym ia dih sha lang lymne ngam shym kren ia I shuwa ban leit.

**Lily** : Nga ruh Mama ngam shym peit shin ia I namar nga pule Kot Khubor. I khreh la ka khreh bad I leit la ka leit kumba ju leh.


**Khang-thong** : Lada kumta, ym lei lei phi. Phi I hynnin I iakut ia nga ban iakyeduh mynta ka ngi 10 baje, bynrei nga ap baroh shisngi khlem johi syrngiew syrnget. Nga phone ha Office ruh, im don. Kane ka la shu pynlyngngoh ia nga.

**Lily** : I Pa I la mih ha ka por 8 baje ei ei mynstep.

**Nabon** : (Kien kien) Phi mut ban ong ! Bah Khang ba im shym poi Office selah baroh shisngi ?

**Khangthong** : Nga tharal em.





- Nojer : Lehse ... (Ka jingmut jingpyrkhat jongu ka thmu ba lehse U ruh Ula pyaiap lade kum U Nijon)
- Nabon : Oh, em phi Khun : I Kpa ia nym leh kum ia kata ka kam pohrati.
- Lily : Kan long kae, kaei kaba pangnud phi Mama ba ha kane ka por ba ngi dang ia dihsa bad bam cake : I Pa pat in shim noh ia la ka jingim !
- Nojer : Nga ruh ngam ngeit ba in leh kumta : ne phi ong kumno Mama ?
- Khangthong : Njuma, hok nga ruh nga don ia kaju ka jingmut : hynrei la nga pyrshang lan weng katto katno na ka jingmut, kam khuid. Shilynter im ju pynkhein kular, balei sang in leit pynkhein mynta ka sngi ;
- Nabon : Em em, nga ruh nga la ma khlieng hi her . ....
- Latemon : Kong Bon, ym ju bit ban pyrkhat than ia kaba sniew.
- Nabon : Te balei heit um don ha Office haba don kat kata ka jingja !
- Khangthong : Don lad ne em ban weng ia kane ka sohsat !
- Latemon : Shish ioh sang : nga la shu' kam pyrkhat kumno : lehse katba u dangiaid bymtip, briey ha la ki jingsngewsih ka kali ka wan bad ka lymbub ia I bad mynta u don, ha hospital... ! ...
- Nabon : Kata ruh kam pynshngain' mynsiem ei ei ia nga.
- Khangthong : Haba kutata, ngim' lah ma ban leh ei ei ?

Lily : Ioh I leit nohiap ha Nanpalok ei !

Nojer : Mynsngi mynshai im lah ban leh kumta lait  
sa tang ba I leit nohiap ha Sunapani.

Nabon : Ia kata ngam ngeit. U Briew uba donburom  
kum I Kpa kumno in leh kum ia kata ka  
kam ! Tang kawei kaba nga ngeit ka long  
ba in wan sha iing ban iathuh ia kaba la jia  
baroh.

Nojer : Em Mei, bha ba pyntip noh sha ki pulit.

Khangthong : Wat leit kyrkieh, ym pat dei por. Lehe  
I wanphai sha iing ! Baroh ngin po  
khamakba ha ka lehrain em !

Latemon : La shu bha ba ielephone sha ki hospital  
kylli baiab la don ne em mano mano ba  
wanran nongmynsaw.

Nabon : Nga te ngan sa lamwir... ..

Khang- : Iai shah. wat shu law law. Tang lada im  
thong wanphai mynta ka miet. te ngim banse.

Nojer : Shisyndon ngi dei ban kylli sha ki paralok  
I Pa ha Sor la ki ki iohi ne em ia I hynne  
mynsngi ha Sor.

Lily : Ngin leit kylli leh aiu ia kata, haba ngi  
la tip lypa ba I la don ha trai Nanpalok !

Nabon : Trai Kynrad, kaei sang kaba haduh katne  
kaba la shet ia ki khun jongnga !

Latemon ; Ioh la bakla khlieh ne !

Nojer : Shipor i lah ban kingkhlieh haba kane ka  
ka jingjia ka tynrah kynsan : la katta ruh  
nga ngeit in wanphai sha iing.

Lily : Lada I la kingkhlich pat, khlem artation I la  
don ha Mawjai Jail.

Latemon : Te balei kpa phim shu phone noh ha uno  
uno u paralok jong I ha Sor !

Khang- : Kan myntoi aiu kata kmie ! Ha ka pyrthei  
thong bun kam mynta, in leit bna mo ia kata.

Latemon : Shu pyrshang se kpa .. ...

Nabon : Ka dohnud jongnga ka sngew kum ban bthei  
arliang.

Khang- : Lada phi ia pynbor, ngan leh. Ngam tip  
thong kam long kaei kaei kaba sngewtynnad.

(U mih noh artad)

Nabon : Ka pap aiu eh kat kane ! Ka jabieng ka  
shu thnam... !

Nojer : Mei, I Pa I phong ki sut rongklich hynne  
mynstep ym dei ?

Nabon : Khun, kane kam dei ka por ban kylli ia  
kita kita baroh.

Nojer : Ngam ia mynjur bad phi Mei. Nga da kwah  
ban thikna da kano ka sut I phong ?

Lily : Nga tharai phi Mel... tang ba ngam kyn-  
maw satia ...

Nojer : Lada ka long kumta, I Pa im don jingthmu  
ban shim ia la ka jingim.

Nabon : Kumno phin shisha ?

Nojer : Ngam pat kynmaw ba don u briew uba  
pyniap ia lade bad ki sut.

Lily : Lada I la lamwir pat !

Nojer : Wat ju kren bleit : phin sngewthuh aiu na  
phi ka lingim jinglong ki rangbat ? U briew  
ban shim ia la ka jingim u da riampther ia lade.

Nabon : Ka shai ha nga khun kat ka sngi : ba I  
kpa in nym leh horkit hordang kum ia kata  
ka pap ka sang.

Nojer : Kata kein Mei ba nga ong ruh haduh myn-  
hynne.. ....

Lily : Tharai pat mynta I shu leit na jingkieng  
Nanpalok bad I shu ryngkoh plum ?

Latemon : Shano phi ia shei. shano phi tda ; ngam  
lap ia ka tduh ka trai. I Kpa ka Shanti I  
leit shaei kumto ?

Nabon : Ka pyrthei aiu mo kane ! Mynta ngi kren  
shibit ngi iam ! Ngì dang ia padiah khlem  
baiwai ia ki jingsngwbha ka jingim, ban  
ngat lymban pyaban ha kum kane ka apot  
sngi ! Kine kiei kiei ki jia ym dei namar  
la pap lili pen-pen u bynrjew !

Lily : Ka pyrthei ka long bad kan jai long hi  
kumne te Mei : yn kynnoh pop ia no !

Nojer : Kein noh katta wat kren shuh lada phim  
don da kiwei pat ki kyntien ban khyllie  
na kane ka ahor.

Lily : Tharai mynta pat, ka long : phin leh kumno ?  
Ngi hap hi em ban mad ! Nga ngeit skhem  
ba I Pa I la leit nohiap ha nanpalok.

(Ha kata ka khyllipmat U Khangthong u  
rung.

Khang- : Shashkor ia nga baroh ; nga loh khubor  
thong kaba bha.....

Lily : (Da kaba leh kyndit) Shaphang I Pa !

Khang- : Nga dang telephone sha u Khrang bad u ong  
thong ba U Bak Shondro u dangmih kumne  
kumne na Office. U istuh ruh ba ki kam  
ki duk baroh ki lajd beit.

Nabon : Sngewie't sat, u bapïi u ialeh shitom.

Kharg-' : Shuh shuh u ong ba U Bah Shondro mynta  
thong mynta u dang leit sei bun hajar ki tyngka  
na Bank.

Nabon : Ani ! nga lait mynsiem hi jrut !

Lily : Te balei kein im don ha Office pat baroh  
shisngi ?

Khang- : Sa ia rat kata, phi khulai lei ! I'la tip  
thong la ka kamram ! Lehse I bun kam hangne  
hangtai pat ! Ia sa iathuh kein ynda I wah.  
Kaba sngewkmen ka long ba ula lait na ki  
syrdoh baroh.

Nojer : Lada ka long kumta, ngin nym hap em  
ban byndi ia ka ung bad ka kali ?

Khang- : Mynta ka shri kdar ba I la lait sha shiliangi  
thong la katta ruh I hap ban durut tynggeh .....

Lily : I Pa I da dei shisha shisha I riewtrei.....

Khang- : Namar ba I don ia kane ka motto : Trei bad  
thong san : bad nlar phin lap u briew uba kum  
ma u

Nojer : Kaba shisha Mama ; namar kat ka rta jong  
I in don aju shuh lait tang ban trei ;

Nabon : Bad kaba nga kham sngewbha eh ia I Kpa ka  
long ba i minot thop la ka kam bad im ju  
ia mushlia bad ki kam kai.

Khang- : Hynrei kaba nga don ban mahem lyps ia  
thong phi baroh ka long ba nadin mynta phim  
dei shuh ban ialeh lutphut. Kat mane  
ka jingjia I lah bun nym don peisa ha  
kti ban pynbiang ia ki jingdawa jongphi  
baroh.

**Nojer** : Ia kata Mama nga ruh nga la pyrkhath. Kato ka kwah thied kali jongnga ruh ngan pdam noh bad nga klo i ban iabah tyrpeng lem ia ki jingdonkam jong ka iing, ne phi ong kumno Lily ?

**Lily** : Sngewjlep pynban phi : kata tang ban shna pynbha ia ka madan ialehkai ruh la hap pdam noh.

**Nabon** : (Ka phai sha U Nojer) Khun, khot lang ia I Shaoti bad U Rangki. (Ka Lily ka pyrta bad baroh arngut ki wan) Khun dang don ka por sa khyndiat, phi lah ban ia leit ialehkai noh katba ngi dang ia donkam khyndiat.

**Lily** : Em phi Mei : hadien kine ki kiew ki hiar ka pyrkhath ngam sngewning shuh ban bat wat ia ka racket ruh.

**Khang-thong** : Kane ka dei ka jingim : ale ngin leit ialehkai lang bad nga de tang plait ka jabieng (Ka Shanti bad U Rangki ki sdang jong : hynrei ki sangeh noh namar ba kren wit ka Lily.)

**Lily** : De, ka ban rew : tang shu jah I Pa na Office ngi la pyrkhath ba I la leit nohiap ! Ka iing ka kyllon ryngkat ka ram ha njuhmat ! I Mei nga I kumban kyllon bad I Bah I shu dait-shyntur lynter ! Mynta, ba im shym leit nohiap, ka phlaw kdar ka pyrthei jongngi, ym dei ?

**Khang-thong** : Lily, kyamaw ba haduh mynta ngi dang klan ha shiteng khriang.

**Shanti** : Oh Baroh kaba phi 'ia kren, ka long tang ka jingmutdur seh !

Rangki : Phi tip hi em ia ka jinglong I Pa ! Wat ia ka kamiap kamim ruh I lah ban pynlong kamkai. I pynkhynniuh ia kiwei katba ia lade I skhem triang.

Nojer : Wat la ngi duh baroh te kan pher aiu ?

Lily : Kali ruh phi la duh ; pyrkhat thawieng ha Sor ruh ka la pulom em !

Rangki : Kata shisha te ka ktah phi ! Ne phi ong kumno ?

Nojer : Yn sa pher aiu ? Ngi lah em ban iaid da ka kjat ruh ! Ka bus ruh ka don : yn sa leh shuh kumno haba ka nusib kam shah !

Khang-thong : Kata ka mynsiem kaba sngewtynnad. Nga kmen ban iohi ba phi la rangbah ha ka jingmut jingpyrkhat.

Shaanti : I Mama pat I don haei mynta ?

Nojer : Haduh mynta ngim tip..... ..

Nabon : Ngi shu shaniah ha U Blei ba un nym pynjia kaba sniew.

Lily : Ioh tharai I la lamwir bad i bret lut ia ki peisa baroh !

Nojer : Nga ruh nga shu kum suba te phi !

Nabon : Khun, ioh sang, wat leit mutdur kumta. Nga ngam sngewthuh shuh balei kine ki jingpyrkhat bymman ki shongkulai ha ki jabieng jongphi !

(Hamar kata ka por ka Kali U Bah Shondro ka wan, Ka Nabon ka mih bad plie ia ka jingkheng, U rung ha kamra bad ki suit rongktieh ba la istri bha ryngkat u tie uba jngum ; khlem don kano kano ka dak pher ha I.)

**Nabon** : Wa I Kpa ! Phi la wan?

**Shondro** : (U peit ia i nakhlich hakjat) Balei kmie kum-  
ne phi i leh lyngngoh ? Don ei ei kaba pher?

... ..

## Scene 11

(Baroh ki nongiasjim bynta ki don khru  
ha kamra. U Bah Shondro u rung kumba  
u ju leh.)

**Nabon** : (Da kaba kren kynthnuk) Phi don shaei heit  
Kpa baroh shisngi ? Ngai la ia tieng haduh  
wow ! Phi te uba la leh shisha !

**Shondro** : Nga leh aiu eh mo kmie haduh ba la pyn  
khyunniuh ia phi baroh?

**Nabon** : Ka jingjah jongphi kein na Office baroh  
shisngi .. ....

**Shondro** : (Da kaba jem bad khia thew) Jia aiu mo  
kmie ! (U phai sha u Nojer) Phi la ioh  
shuti ne khun ?

**Nojer** : Hoid Pa.

**Shondro** : Nojer, phi I blait bha ka khmat : phi leh  
bha ha ka examin ?

**Nojer** : Hoid Pa, ia kaba lah baroh : bad nga kyr  
mea ngan pass.

**Shondro** : (U phai sha kiba ia don hangta) Khublei,  
kumno phi iashaid iakhlain baroh ? I Bah  
Khangthong pat, phi la poi dangshai ne ?  
Wat ong ba phi sogewthait bad phi wan  
nob shiteung engi ?

**Khang-  
thong** : Ka dei phi bhai. Phi don shaei heit baroh  
shisngi ? Nga la it ia phi kum ia u thyrnia.



Shondro : Nga march kam baroh shisngi-jang-jang sha  
Mawlai, jang-jang sha Laitumkhrak bad  
kylleng kylleng.

Khang-  
thong : March kam !

Nabon : Baroh shisngi seh Kpa !

Shondro : Bad ha ka por nohphai sngi nga nga poi  
ha Police Bazar bad ngi ia kiew dihsa bad  
uwei u lok ha New India.

Khang-  
thong : Te balei phim poi Office?

Lily : Baroh ngi la ia tieng that. Ngi ngoit ba phi  
la leit nohiap pynban ia lade.

Nojer : Haduh ba I Lily I la ong ia ngi ban leit  
wat ia ka met iap jong phi ha Nanpalok  
ne ha Sunapani.

Nabon : Shisha Kpa : ngi la ia khuslai haduh wow.

Shondro : Nga lah eh ban don bun ki jingeh: hynrei  
kaba ngam peiphang ka long balei phi ia  
pyrkhat sat ia nga haduh katta?

Khang-  
thong : Phi I Bah Shon, nga la hap ban iathuh ia  
ki : phi la pynkhein ia ka kular bad nangta  
baroh shisngi phim don ha Office.

Shondro : Phi eng kumta : mynta nga la shai. Phi phi  
tip em ?

Nojer : (Kem ktien) Hoid ngi tip Pa : mynta phim  
lei lei shuh.

Khang-  
thong : Baroh ki la ia angowsih bad ki la ia pyu-  
bor ia nga ban phone, sha ki paralok jong  
phi bad dei u Khrang kein uba iathuh ba  
phim lei dei.

Shondro : Sngew laitsuid ym dei !

Lily : La ngam lut ka spah ka hajar pa?

Shondro : Ka don ka jingduh haba u lok uba phi shaniah u jap. (U phai sha I Kong Latemon)  
I kong La du, phi dang thied ne kito ki riam?

Latemon : Kumno Bah Shon, ki i phit bha?

Khang- : Peit shane Bah Shon, ngi don bun kiei kiei  
thong ban iakren.

Nojer : Phi i Pa, ka thie ka madan ka la sniew  
than: donkam ban maramot bha ia ka.

Rangki : Hoid kein Mama, kine ki kamrit kamria  
kiba eh sat.

Nojer : Kine kein ki dei ki jingtynjih ia ka longkpa.

Shondro : (Da kaba pe t shane shatai) Ka bha ia phi  
ki khynnah ban leit ialehkai noh sha bar  
shipor.

Latemon : Phi kwah ia nga ruh Bah Shon ban mih noh ?

Nabon : Em, em Kong Mon, shong shong....

Khang- : Bah Shon : iathuh hok ia nga phi leit shaei  
thong baroh shisngi ? Nga la phone kylleng hynrei  
ngam lap.

Shondro : Balei phim shaniah ne ia kaba nga iathuh ?

Khang- : Kata kein : phi iakut pat ia nga 10 baje !  
thong

Shondro : (Ryngkat ka wiat rymmuin) Ban kren ia ka  
jingshisha : ngam tip balei nga da kdang thup  
haba nga kynmaw ba nga iakut ban iakyn-  
duh ia phi 10 baje.

Nabon : Phi leit leh aiu pat kpa sha Police Bazar ?

**Shondro** : Nga shu iaidkai pyngngad kein kmie khlem  
don ei ei....

**Khang-** : Hynne ka sngi ka long kaba donkam eh  
**thong** em ia phi !

**Shondro** : Kata kein kaba kham sngewtynnad.

**Nojer** : Ym dei pa ba ngi tharai sniew ei ei ia phi :  
pyuban ki jingkren jongphi pat sngew kum  
kiba phi shu thaw suda.

**Nabon** : Nojer, balei phi kren kumta. I Kpa jong  
phi im long satia kumba phi pyrkhat.

**Khang-** : Lehse ki don bun ki syrdoh hangta kiba  
**thong** ngim dei satia ban ia kren mynta.

**Shondro** : Phi ia tip em ia ka jingiap U Nijon. Ka  
da loug shisha ia nga shimet kum ba tied  
tyrnem. (U shu leh mynleh kren tang ban  
shu iapur khana, hynrei phewse um don  
ei ei ban pyrwa ne khuslai).

**Khang** : Lada um leh kumto ruh ula hap ha ka ruh em!  
**thong**

**Shondro** : Katba ia ngi shimet ka la long ka jingduh  
kaba khraw.

**Khang-** : Ym dei tang ma phi : bun kiwei pat.  
**thong**

**Shondro** : Nga burom ia la ka jingtrei bad ngam ju  
khyllew nobriat haba ki lok ki pynroh.

**Khang-** : Ka dei kata kein ka jinglong babha jong  
**thong** phi kaba la pynlong ia ki lok jongphi ban  
kyrda la phi.

**Shondro** : Hynrei wat klet ia kane ruh Bah Khang-  
**thong** : nga ri ia la ka burom. Namar ba  
nga ieng ha la ki kjat ngam ju khuslai.

**Lily** : Ym don shuh Pa ki ban ong ia phi ba phin dang lah ieng, ym dei Mei ?

**Nabon** : Ha nga pat ngam ngeit ba I Kpa im lah khie khlieb,

**Shondro** : Nga la mad ia kiba khamkhraw ban ia kane kat haduh u pud ba ngan duh wat ia ka burom ruh. Pynban nga ieng triang ha la ki kjat.

**Nabon** : Oh Lily ! Phim tip seh haduh katno ba I Pa I ieit bad aiti ia lade namar jong phi !

**Nojer** : Namar jong ngi !

**Khang-thong** : Dang don ba artatien ia kata !

**Nojer** : (U rkhe ha-ha-ha) Phi aiti namar jong ngi ! (Ha-ha-ha)

**Lily** : Phi tharai ngi ki khun ngi sngewtynnad seh ban iohsngew kum ia kata ? Phi la bakla shibun.

**Khang-thong** : Phin sngewthuh aiu ma phi lada nga iathuh haduh katno ba ngi shah ia ka sngi ka lyer namar jongphi.

**Nojer** : Sngewbha wat buh ka jingkit bakhia halor ki tyrpeng jongngi. Hato ngi kwah ma ngi seh ba phin shah namar jongngi ? Phi la ioh em ia kaba phi kwah ? Mynta pat phin teipop ha ngi ?

**Nabon** : Khun, balei mo phi pynpaw ia kum kane ka mynsiem bymsngewnguh ? Phim ahyat ioh ia kiba bha bareh na ka umsyep jongngi ?

- Nojer : Dei kaba kum kane kein Mei ka jingsngew kaba la pynpluh ia ka dohnud jongngi. Ki kyntien jongphi Mei ki khia la kat u Mawmon bad ki dum la kat ka shiteng synia hi.
- Lily : Ngim kwah ba phin teipop ba namar jongngi phi duh thiah duh dem : phi shakri bad aiti ia lade.
- Khang-thong : Lehse mynta phim put sngewthuh ia kane tad ynda ka juh ka jingkit ka la hap ha ki tyrpeng jongphi. Phi dei ban sngewnguh ba ngi leh ia kane baroh namar ba ngi ieit.
- Lily : Ka dei kein ba phin leh namar ba phi la sei rnyieng ia ngi : ngi kwah ma ngi ne phi kwah ma phi ?
- Shondro : Ka don ka jingbyrdei bad kaei kaba ki ki khun ki ong. Ngil leh ia kine tang namar ba ka jingieit ka dap ka shlei ha ngi. Hyorei balei ngi ieit, ia kata ngim tip. Tang namar ba ngi ieit, hato ki ruh ki dei ban ieit kyliang ? Tang kawei kaba nga kmen ban iathuh ka long—ba nga la pyn-dep hok ia la ka kamram bad ngam khmih bainong kylla ei ei na ka.
- Khang-thong : Ka dohnud jongnga ka lwet ban iohi ba ki khun jongngi pleng ki don kum kine ki jingsngew.
- Shondro : Phin phylla lei Bah Khang : kane kein kata ka Bawli juk : ka juk u hanga manga, u uiplut u nanglut : ka juk kyllut mawdai thangsaw.
- Khang-thong : Ka pynkynmaw bad khyllie, syrtap ia ki sngi bordi ka jingim katno ba ngi pha namar jongki ba dung kuru da u namplieng ka jingbysngewnguh ;

**Shondro :** Balei ba phin leit kynmaw sngi ia kita kita baroh. Ha lade nga suk namar nga la pyn-dep hok ia la ka kamram kum u kpa. Nga la phah ia ki sha ki skul kiba bha tam ba kin sain kin shemphang. Nga la ai ha ki ka bam ka dih bad ka kup ka sem kaba bhatam kaba nga lah ban ioh : kaba ka jinglong khynnah jongnga kam lah ban phohsniew Kine ki pynkmen pyntigen ia ka dohnud jongnga.

(Hamar kata ka por ka telephone ka riew)

**Nabon :** Lily, khie peit khun mano ba phone kumta.

(Ka Lily ka leit bad ka shim ia ka phone).

**Shondro :** Peit shane khun : lada don mano mano ba kwah kren ia nga, ong ba ngam don ha iing.

**Khang-thong :** Tang kawei bah Shon kaba nga sngewkmen ka long ba phi la lait na ka kitram kitshah bad ka lehrain.

**Latemon :** Ha kine ki sngi kam shym ktah ei ei ia phi Bah Shon haba phi tip ba ka jingiap U Nijon kan lynsher tyngah ia phi ?

**Shondro :** Ha ka jinglong briew ngam lah khlem da sngewsih : namar nga iohi shai ba ka sngi ka la lyndet ia nga.

**Nabon :** Te, balei pat kpa phim iathuh ei ei ia nga !

**Shondro :** Phi i kmie, ia kaci kaba nga dang lah ban shah, balei ngan shu pynkhuslai kai ia phi !

(Hamar kata ka por ka Lily ka rung)

**Lily :** Pa, I phone I Bah Khrang na office bad nga ia iathuh ia I ba phim don ha iing. Nangta i kylli ia I Bah Khangthong pat I

don ne em ba iing jongngi bad nga la  
jubab ha I don bad I pynpaw ba I kwah  
ban kren ha I.

Khang- : I don khubor aiu mo ban iathuh !  
thong

Latemon : Shu leit kein kpa ban sngap I don aiu  
ban ong.

(U Khangthong U ieng ban leit shim ia ka  
phone)

Nabon : Kpa, kane ka jingjia kam pynthut mo ia  
ngi ban ia leitkai sha Calcutta shisien shi-  
sien !

Latemon : Ngi ruh te phi ngi pyrkhat ban leitkai sha  
Calcutta. Oh, kan jin da la long kaba  
sngewtynnad lada ngi lah ban leit lang.

Nabon : Kata te kaba sngewmuja phi.

Lily : I Shanti bad I Rangki kin ia leit lang Nah ?

Shondro : (Kem ktien) la mynta shipor te ngi hap  
sahngah.

Latemon : Nga hi nga sngewthuh ia ki jingeh jongphj.  
Kam lei lei em lada ngi nangleit ?

Lily : To seh Pa shisien shisien.

Nojer : Kan da bha eh kein Pa lada ngi lah ban  
ia leit lang.

(U Khangthong u rung)

Khang- : Buh Shon, ki iathuh ba phi la poi ba ka.  
thong sohsat khait em ?

Shondro : Em, phi, leit pher aiu kata !

**Khang-  
thong** : Hynrei I ong pat ba wat la phi hap ha  
ka apot khak : don bun ki lok ki bin ia  
kyrda ia phi : kam dei kumta Bah Shon ?

**Shondro** : Hoid nga don hapteng ka jingeh : hynrei don  
jingphoida aiu pat ban iathuh shaphang  
jongka : Kaba ladep ladep em ? Ka miet ka  
lah ban wan hynrei ka step pat ka dangap !

**Nabon** Phi mut ban ong kumno Kpa haba phi kren  
kumta ?

**Shondro** Nga mut kumne kein Kmie : tang shu bna  
ia ka khubor ka pyrthei baroh sawdong ka  
dum ngain. Hynrei nga ngam long pat kum  
u shynreh uba haba ula sngewthah ia la ka  
jingiap u kiar noh na la ka kynhun : hynrei  
nga, nga shong weibriew bad nga pyrhat.  
(U phai sha u Khangthong) Kane ka Cheque  
ba u ai phi lah ban pynphai noh ia ka  
(u da sei la ka kti ban ai ha u) bad sngewbha  
pynpaw lem ruh ia ka jingsngewnguh jong  
nga ia u.

**Nabon** : Phi mut ban ong Kpa ba mynta ngi la poi  
ha ka bidai ?

**Khang-  
thong** : Lehse ngi la ryngkang shabar u pud jong ka  
jingiakren .....

**Latemon** : Kong Bon, lehse kan bha ba phi bteng ia  
ka jingiakren ynda ngi la mih noh ma ngi  
shuwa.

**Lily** : Phi kwah ia ngi ruh pa ba ngin mihnoh ?  
(Ka mihnoh arta)

**Shondro** : Em khun, nga kwah ia phi ba phin don lang.  
Don sa katto katne kiba nga dang don ban  
pynpaw.



Nojer : Nga sngewthuh Pa mynta ngi la pot ha  
ryndang .... ..

Shondro : Ka dei khun kumba phi ong (U wiat artad  
mujn). Mynta ka la dei ka por ba phin sei  
la ka bor .. .... ka jongnga ka la kut.

Khang- : Kata phi mut ban iehnoh ia ki kam ki  
thong duk baroh !

Nabon : Kata Kpa phi la duh baroh ! Phin leh pat  
kumno ?

Shondro : Nga la kut jingmut ban mihnoh na iing bad  
leit shajngai bah nangne.

Nabon : Phi kren lei kumta kpa !

Shondro : Namar ka jingbha jongnga bad jong ka iing  
jongnga.

Nabon : Kata ka jingkren jongphi te kaba pyh-  
lyngngoh phi Kpa.

Khang- : Ju don ma u briew uba sdien ia lade  
thong khlem daw ! Phi dei sbisyndon ban jubab  
ia nga.

Shondro : Da kaba shai kdar. Hynne mynstep nga  
sngewthuh shai ba pleng ka jingim jongnga  
kam long shuh kaba myntoi ia nga ne ia  
kiwei pat..... ..

Khang- : Phi ong kumno !  
thong

Shondro : Nga la thait, nga la kdang, nga la ngiah ia  
kane ka jingim bad ngam kwah shuh ban sah  
ha iing. Nga la kynthar dewmet ia ki kam  
ki jam baroh : bad sa nang iapait ma phi.  
Ki khun kila heh kila stad : namar kata ngam  
sngewdei shuh ban kwah kti ia kine ki kam  
baroh.

**Nabon** : Kpa, da pyrkhat bha : kan jia aiu ia ngi lada phin mih noh ma phi na iing !

**Shondro** : Tharai lada nga iap ! Phi la hap hi em ban rah la u mohkhiw u lyngka ! Shim ia nga kum uba la iap bad ki jingmut jingpyrkhat jongrhi kin khamsting

**Lily** : Ia ngi pat Pa ?

**Shondro** : Na phi ruh nga la hap ban khlad, khun.

**Nojer** : Phin jah slem katno pa ?

**Shondro** : Tad haduh ba ka sngi bad u bnai kin da sep ... ..

**Nojer** : Balei mo Pa phi thmu haduh katta ban leh ?

**Shondro** : Khun, ban phla hok : nga la ngiah nga la jlep iaphi baroh. Ka mluh jong ka jingieit ka la blat bad ia u dienppynieng sbarak jongka jingshai la weng noh na ka iing jongga.

**Nojer** : Phi la ngiah seh Pa ia ngi ?

**Shondro** : Haduh ryndang khun, Phi pat phim ngiah ia nga ba nga shu iai don lngung shi lngung ha iing ?

**Nojer** : Kata te kawei pat kein pa : hynrei phi phi dei u kpa !

**Shondro** : Don jingiapher aju khun hangta ?

**Nojer** : Phi I Pa, teng teng ki khun ki lah ban ngiah ia la ki kmie ki kpa : hynrei kumno ki kmie ki kpa ki lah ban ngiah ban jlep ia la ki khun !

Shondro ; Oh ! ka long kumta seh khun !

Lily : Phim sngewsynei ia ngi pa ?

Shondro : Khun, nga la sei ia phi ia ka longrvnieng. Nga la iei bad sumar hok ia phi. Nga la pynsan pynrangbah bad buh ia phi ha ki skul kiba bhatem. Mynta ka la dei ka por ba ngan khlad noh na phi.

Nojer : Phi i Pa, ngi ngi im ha kane ka pateng thymmai katba ma phi pat phi im ha ka juk kaba rim : ba kumta kam don satia ka jingiashoh tar namar ba ki jingmut jingpyrkhat jongnga bad ki jongphi ki ia long markhongpong. Ne phi ong kumno Mei ?

Nabon : Ka lah ban long khun ... ..

Nojer : Hynrei kumno kein pa phin ngiah phin jlep ia ngi ? Pni la ju pyrkhat kane ka ung kan long kumno khlem ma phi ? Kaba pjah kaba kynjah em ! Baroh ka shnong ka thaw ka pyrto ba phi ioh ki khun kiba kum mangi : kiba stad bad badonburom : hyurei lada phi pat phi shem ba ngi long pynban ka jingban khia ia phi : kata te ka dei tang ka jingbieit jong phi hi kum u kpa.

Nabon : Nojer, balei phi kren thulmur khlemakor kumta ia I Kpa ? Ha ka jaka ba phin pyndem phi pynieng pynban la u tdong u kada. Ka jingstad jongphi imat ka la long tang ka jinglamwir.

Nojer : Ba I pankwah hi te Mei ; I mat dep shato. Im sngewnguh tang khyndiat ruh ba I ioh ki khun kiba kum mangi.

Shondro : Khun, ka daw balei phi thait phi jlep ia nga ka long namar ba nga ithuh ia phi bad ba nga kwah ka lawei ba phyrnai namar jongphi.

- Nojer : Hynrei phim sngewthuh pat Pa ba kane ka pateng ka khamstad shibun ban ia ka pateng jongphi? Phim tohi ba ka don ka kharai jingbym ia sngewthuh jingmut hadeng kane ka juk bad ka juk ba kaba phi im !
- Lily : Kaba shisha Bah. Ha ka por jong I Pa ki bried ki kwah ban rangbah klo, hynrei kam long kumta bad ngi.
- Nojer : Ngi mynta ngi kwah ban pynkmen pyn-sngewbha ia lade katba ngi dang samla kumba ong ka Bible ; katba ha ka por jongphi ki bried kim sngewthuh satia ia ka dor jong ka jinglong samla,
- Nabon : Hoid khun, kaba phi ong kaba dei : ki ngi ka jinglong samla ki long kiba kordor. ..
- Nojer : (Kem ktien) Ngi tip shai ba ka jingim jongphi khlem ma ngi ka long kaba khlem dor. Te, lada phi ngiah phi ilep ia nei : kata phi kren bein ia ka jinglong samla. Te ngan ong aiu shuh kein !
- Lily : Nga ia mynjour bad kaei kaba phi ong Bah.
- Shondro : (Da kaba kren thanda jem jai) Khun, lehse phim tip haduh katno ka jingthait jinglep jonggi ki rangbah ban sagap ia kum kira ki khana jyllat khlem jingmut jongphi ki samla. Phi kren kum kiba khlem jingmut bad phi shu iap kum ki niangthangdoh. Tang ba phi la kren phi sngew kaba dei suda. Tang namar ba phi la pule, phi sngew ba phi la tiplut nanglut. Phi ju sngewthuh ba ka jingim ka dei ka skul ! Bad u niuhlieh ka dak jong ka jingshemphang ! Phim bna ei ei kaei ka jingim bad phim lah ruh ban tyngkan la u thylliej khlem shyieng. Khlem jingmut phi padiah bad phi niew pat ba phi long kaba stad. Kum ki lang-

matlah phi turiap bad behthong ia ka khlem-rain. Phi kren bad iathuh khana kum kiba lamwir ryngkat ka sngewkronng pat ba phi la pass B.A. ; M.A. Phi ioh ia ka jingstad jongka jinglamwir ym ka jingstad kaba tei. U tyvmen u da tip. namar ula mad ia ka jingim. Ki University jongphi ki long tang ki karkhana probjyndem.

(Ka Lily ka sdang ban rkhe bein)

Nojer : Lily, sngap jar wat rkhe. (U phai sha U Kpa) Pa, lehse kare kan long kaba khatduh ba ngan ia kren bad phi. Mynta nga sngew-thuh hangno ba nga ieng.

Lily : Kata, pbim don jingieit shuh seh ia ngi pa ?

Shondro : Em Khun, la kut. lawai....

Nabon : Kpa, kita ki kyntien kiba runar sat : kumno kein phin duh noh ka jingieit ia la ki khun !

Shondro : Kmie, nga la ieit lut ia ki mynba ki dang khunlung : hynrei mynta ba ki la heh kila san bad kila stad : ka jingieit jongnga ruh kala duhnoh na ki.

Nojer : Ka bym lah long Pa ba phin kren kumta....

Shondro : Khun, phi lah em ban pyrkhat kumta : hynrei nga ong em. Haba phi dang khunlung, nga doh nga dait ; nga piam nga kdup, namar ba phi shaniah tylli ha nga. Nga tang shu iohi ia phi ka dohnud jongnga ka um ka kmen bad ki jingthait jingjrem jongnga baroh ki jah noh. Baroh kaba phi donkam phi phai la ki khmaf ha nga : kata kaba ktah eh ia ka dohnud jongnga. Mynta ba phi la rangbah bad phi la don la ki jong ki jingsngew, la ki jong ki jinglong bad la ki jong ki jingmut jingpyrkhat : nga

ngeit phim long shuh ka bynta jong ka jingim jongnga. Nga la kylla nongwei ha phi bad phi ha nga: te balei shuh ngan khuslai namar jongphi!

Nojer : Phi mut ban ong Pa ba manga lymne I Lily ngim don jingiadei shuh bad phi? Bad phim don jugsngew ei ei shuh lada jia ei ei ia ngi?

Lily : Lada jia ba ngi iap Pa, phim sngewsih?

Shondro : Khun, mvnba phi dang khunlung ka dohnud jongnga ka pang wat haba nga iohi ba phi khie shit ne phi jyrhoh ruh. Met bad mynsiem nga la shakri bad aiti ia lade namar jongphi. Lehse ka long kaei kaei kaba sniewbok ia nga mynta ban iohi ba phi san phi plung bad phi koit phi khiah krad.

Nojer : Kata phi mut pa baphi kham sngewtynnad ban iohi iangi ba ngi pang ngi swai, khnang ba ka jingieit jongphi kan wan phai pat ha ngi?

Shondro : Kaba dei khun kaba phi ong. Na kawej pat ka liang nga ajaguh ia U B'ei ba U la ai ia nga ka met kaba shaid kaba khiah krad khnang ba nga lah ban ieng hapideng ki jingeh baroh.

Nojer : Pa, nga la nang pyrkhat ba phin sngewsarong ban ioh ki khun kaba stad kiba long ka burom ia phi.

Shondro : Phi i khun, ban sngewsarong na ka bynta ki khun ka mut ban sngewsarong ia lade. Hynrei phi dei ban kynmaw ba ngam ju sngewsarong bymhok.

Nojer : Haduh katta Pa! Khublei ngam kwah kren ei ei shuh.

Shondro : Nojer iathuh hok : Phi da ieit shisha ia  
nga kum ia U Kpa.

Nabon ; Balei Kpa, phi dang artatien seh ia kata ?  
Nga te nga la shu dum kabamut.

Shondro : Ai ba un jubab hi seh kmie : balei phin  
leit pynkren ma phi !

Nejer : Ngan ong shuh kumno mo Pa : nga ieit  
nga burom hi ia phi kum u kpa wat la  
phim don ei ei ban pynkmen ia nga.

Shondro : Tharai lada jia ba nga iap mynta : phin  
jaw ummat namar jongnga ! (U Nojer u  
kohnguh khlieh) Kata kaba sngewtynnad.  
Hynrei mynta pat nga dang shaid dang  
kblain bad nga long barabor u diengpyn-  
kiang ia phi em ! Phim thait haba bunsien  
nga kyll:—phi pyllut kumno ia kata ka  
peisa kaba nga ai ?

Nojer : Kaba shisha Pa. Uno uno u samla uba kat  
ka rta jongnga u kwah ban long uba lait-  
luid.

Shondro : Kam ju pynpyrkhat pat ia phi ba phin  
loh nob la ka iing ha Sor ?

Nojer : Don jingiadei aiu Pa bad kane ka kam ?

Shondro : Kata ka pynpaw ba phi la duh ia ka jingsuk  
jong ka ii.g.

Nojer : Hynrei mano pat ba lah ban pynkylla ia ki  
khnong ka jingim ! Ka dei em ka kamram  
jong ki kmie ki kpa ban ieit ia la ki khun !  
Lada ka long kumta, balei pat kin leit  
khmih lynti ba ki khun kin ieit kylliang  
ia ki !

Nabon : Balei Nojer phi kren lamwir kumta ?

Nojer : Haw da kylli phi ia I Mama Khangthong la  
I ju khmih lynti ba U Rangki bad ha Shanti  
kin ieit ia I kumba I ieit ia ki !

**Khang- thong :** Dei hangta Nojer nga sngewthuh ia ka jingduna pyrkhat jongphi. Nga ju mlien ban iathuh khana khvilew ba ka iing jongngi ka long kaba shitylli shisur. Mynta nga sngewthuh ia la ka jingduna ba ngamshym la pynsan ia la ki khun kumba I Pa jongphi I la pynsan ia phi. Nga bad I Kmie ngi pynlong ia ki khun kum ki paralok. Namar kata, kim khein snep satra ia ngi. Ki peit ha nga tang kum u kongsen rangbah ha iing. ym kum u kpa ! ba kumta k: rkbie iapler iapang haba nga biria nga danda bad ki.

(U Nojer u peitliep sha Ka Lily)

**Shondro :** Namar kata, khun : nga sngewthuh shai mynta ba haba nga la ioh ki khun kiba sian ba stad kum maphi, da kaba suk phi lah ban im ka jingim kaba khamsuk khlem ma nga bad naduh mynta nga ailut ba phi ia ki kam ki jam baroh khnang ba phin iohlad ban leh kumta.

**Nojer :** Hynrei khlem ma phi pat ngim lah ban im. I Lily shano in leit ? In hap shu shang surok em !

**Lily :** Phi kren lei kumta Bah ! Phi ki shynrang phim sngewthuh ei ei shaphang ka jingim jongngi ki kynthei.

**Nojer :** Lily, lada I Pa I phet na iing khlem buh ei ei ia ngi, phin leh kumno ?

**Lily :** Ia kata nga la sngewthuh ma nga, phi khuslai lei !

**Nabon :** Khun, balei mo u ksuid u shongkulai haduh katne ia ka jabieng jongphi ! Nangne shano kan lam ! Ah Trai Kynrad !

**Nojer :** Nga pat uba dangthmu pule ain ban long politician mano pat ban kyrshan ?



Shondro : Phi dang don jingmut hi Khun ban trel politik ?

Nojer : Nga mut kein pa..... ..

Shondro : Phim tip khun ba ha ka politik kim donkam satia ia ki biew kiba kum ma phi ; Kiba wan rung kum ki 'langiong ban thap myntoi !

Nojer ; Ki da kwah bha kein pa ia kiba kum ma ngi kiba wan na ki skul kiba bha.

Shondro : Phi la ju pule ia ka jingim U Paul ! Ym dei da kaba shna iingjain u iakynduh bun ki lok ?

Nojer : Balei pa phi ryngkang nawei shawei ? Ngia kren ia kiei kiei kiba donkam hynrei wan-rah pynban ia ka niam.

Shondro : Phi sngewthuh balei ba nga kren kumta ? Ban tip ia ka jingmut u paitbah, phi dei ban trei—la kum u nongrep, u driver ne kum u Peon ha office !

Nojer : Mano Pa ! Ma nga seh !

Shondro : Da kaba leh kumne phin sngewthuh bad ioh ia ka jingkyrshan jong kiba bun kiba don ha ki jingeh.

Khang-thong : Bah Shondro. phi la shu kren pyllait jynhaw ha ka lyer. Kane ka dei ka por ba ki khun ki donkam eh ia ka jingialam bad jingai buit aibor jongphi shuwa ba kin sngewthuh kumno ba kin rung ha ka pyr-thei. Phim dei satia ban shu iehnoh ia ki.

Shondro : Phi ong kumta.

Khang-thong : Phin shu ieh khlem seng khlem dang seh !

**Shondro :** Lada nga leh kumta Bah Khang, kata ngam dei kein u Kpa La katta ruh donkam ia ka jingiakhun kaba shyrkhei.

**Nojer , :** Phim shym duh lut em pa ?

**Nabon :** Nga ngeit I don hi k1 peisa hangne hangtai

**Shondro :** Lehse phi bakla kmie. Kumba nga long haduh mynta, nga bat tang ia la ka burom, bad baroh kaba nga don ka long tang Rs 50,000/-

(Ka Lily ka rkhie muin)

**Nabon :** Wat rkhie sngewbha Lily. Ngi ieng ha tm er ... ..

**Shondro :** Ia kine baroh ngan ai ha phi shuwa ba ngan leit. Ngam kwah ba ki khun jongnga bad ka tnga jongnga kin iapthngan. Ngan bat ha lade tang Rs 5000/-... ..

(Ka Nabon ka peit da ka khmat sngewsih) khnang ba nga ruh ngan nym iapthngan.

**Nabon :** Ngam lah ban wan lang bad phi Kpa ?

**Shondro :** Oh, em kmie : nga la kut jingmut ban leit tang maiwej.

**Nabon :** Ngam shym pyrkhat kpa bad phi da mut shisha.... ..

**Shondro :** Balei kmie phi pyrkhat kumta ! Nadeh badang nga la kren da kaba shai kdar....

**Nabon :** Balei kein Kpa phin ich langa tang ba ki khun ?

**Shondro :** Kmie, lehse nga la slem than ban long U Kpa bad u Tnga. Ha ka jingim ngi ju bret noh em ia ka mar ka bym donkam shuh ?

**Nabon** : Ia nga ruh phi la thait seh Kpa ?

**Shondro** : Phin phylla lei Kmie : ki dak ki sakhi.

(Ka telephone ka riew)

**Nojer**, peit mano : tang ba wat iathuh  
ba nga don ha iing.

**Nabon** : Nga nangpyrkhat phin islam ia nga kein  
Kpa : khatduh iawai artad ha ka jinglong  
tymmen.....

(U Nojer u rung)

**Nojer** : I Bah Khrang Pa bad nga la ong ia I ba phi  
don ha iing.

**Shondro** : Kaba la ia pynsalia sat. (U ieng ban leit shim  
ia ka phone)

**Nabon** : (Ka phai sha U Khangthong) Bah Khang, ngan  
leh kumno haba kumne ?

**Khang-  
thong** : Wat khulai, ieh ngan da ia kren ma nga  
shuwa. Nga ngeit ngan lah.

**Nabon** : Ngam lah mutdur shuh kaei kaba la pynlong  
ia I Kpa haduh katne !

**Lily** : Mei, lada I Mama I kwah ban kren jar jar  
hi bad I Pa te, ka bha ia ngi ba ngin ia  
mihnoh shuwa.

**Khang-  
thong** : Nga ngeit kan khambha kata, khnang ba nga  
lah ban twad lut ia ki par ki pain baroh.

**Nabon** : Peit shane Bah Khang : lada jia ba I Kpa I  
kwah ia nga ban leit lang ; ong ia I ba nga  
ngam dei tang ka tnga hynrei ka kmie de.  
Bad lada jia ba im kwah ba ki khun kim leit  
lang, ieh I mat leit hi, ngin ia pyllait san-  
shyieng noh syndon. Kum ka kynthet, nga  
ruh nga don ia ka iktiar.

(Baroh ki mih satang U Khangthong. Mar kumta U Shondro u rung)

Shondro : Oh ! Shano kito baroh ki ia leit !

Khang- : Nga beh noh ia ki namar nga kwah ban  
thong iskren jar jar tang para marwei.

Shondro : I Bah Khrang bapli bad ki lok kila ia  
synniang ban khyllie biang ia nga.... ..

Khang- : Haba kumta phi leh kumno ? Phi pdiang em ?  
thong

Shondro : Em, nga ong ia u ba un phikir la ka kam  
bad nga buh artad ia ka phone.

Khang- : Phi leh bieit lei kumta haba ki lok ki kwah  
thong ban iarap ia phi ?

Shondro : Phi ruh Bah Khangthong, sngewbha wat ju  
mushlia ia ka kam kiwei.

Khang- : Wat leit pyrkhat ba nga mushlia : jait ba  
thong ia don hi kumne to ngin ia kren.

Shondro : Kren ia kaei kein !

Khang- : Iathuh hok ia nga, ioh phi don ei ei ne !  
thong

Shondro : Nga don..... ..

Khang- : Phi mut ban iehnoh bad khun bad tnga tang  
thong namar ka briew seh ?

Shondro : Phi phylla seh ..... !

Khang- : Da pyrkhat bha ho ! Tang namar ka mutbrai  
thong phin pynpait khiewja te ngam sngewthuh !

Shondro : Ban ia ka ban im ha ka buhrich ka sop-sop  
ym la bha haba paw ba shai syndon !

Khang- : Kaba dei Bah Shon kaba phi ong. Kum u  
thong briew jong ka pyrtnei nga la mad ia kine,  
pynban ngam ju ailad ba u khiew ja khiewdoh  
un pait un pra.

Shondro : Phi la ju ia kynduh bad ka samla kaba klo  
ban im ban iap bad u metiaw !

Khang- : Mynta nga sngewthuh ba phi don ka peisa  
thong ba phi buhrich hangno re hangno.

Shondro : Hok, ngam don kumta. Ia nga tang sanspah  
tyngka shibnai ka la biang. Nga la kular  
ban trei da la ki jong ki kti bad ban iaid da  
la ki jong ki kti.

Khang- : Lada kam dei pat namar ka briew : ngam  
thong sngewthuh shuh balei pat phi mut ban mih  
noh na iing ?

Shondro : Ngam kwah ban pynlut khoit ia la ka  
jingim bad ki briew ki bym icit ia nga bad  
kiba nga ngam sngewbha ia ki. Don mo ba  
nud ban kdew kti ba ngam shym leh bad  
aiti la ka jingim namar la ka jing ? Mynta  
nga kwah ia ka lawei la ka jong hi.

Khang- : Phin leh aiu bad ka ?  
thong

Shondro : Ia mynta ngam tip : ka por kan batai.

Khang- : Ne phi don kano kano ka jingthmu ba kyrpang  
thong ha ka jingim ?

Shondro : Nga don tang kawei ka jingim bad nga kwah  
ban pyndonkam ia ka ha ka rukom kaba  
dei. Nga la ngiah ka contract nga la jlep  
ka business.

Khang- : Ki don bun ki kynthei kiba im marwei :  
hyurei ngam pat ju iohsngew ba don u  
shyntang uba im marwei.

**Shondro :** Kata kaba sngewtynnad : ngan hikai ia lade kumno ban suk kum ma ki.

**Khang-  
thong :** Ha ka longiing nga ruh nga mad ba ki kyn-  
thei ki long kiba jlep : kiba da jlep kumba  
bam khlein. Hynrei yn leh kumno pat haba  
la iapan !

**Shondro :** Bah Khang, suk ma phi uba lah ban shah :  
namar, da kaba phi iai shah phin ioh ia ka  
jingiaroh jong ka tnga bad ka burom jong  
ka shnong ka thaw.

**Khang-  
thong :** Bah Shon, phi ju pyrkhath pat aju kan jia  
ia ka ri bad ka jaitbynriew lada baroh ki  
leh kum ma phi ?

**Shondro :** Ia kata Bah Khang ngam kwah baz tip namar  
nga don la ka bypta ban pyndep.

**Khang-  
thong :** Hato kata kam dei tang ka jinglamwir ?  
Shong bai da khan sani bha.

**Shondro :** Tang kawei nga tip, ba kaei kaei kiba thym-  
mai ki paw kum ka jinglamwir hakhmat ka  
pyrthei. Haden hadien ka pyrthei kan sa  
lap ia ka jingkordor jong ka. Kaba phi  
shu i lamwir ka long ba nga leh ia kaei  
kaei kata ym pat ju don ba leh. Ia kane  
nga la pyrkhath sani bha namar ngam dei  
shuh u khynnah.

**Khang-  
thong :** Khlem pep phin babe kylla : phin sa bynnjaw  
lada phi leh bymsutniew ia kaei kaba nga  
ia pyni lem.

**Shondro :** Bah Khang, wat klet ia kane : ba lada ka  
mysiem kheinduh kam don, mano ba nud  
ban ieng baka duwan jong ka jingiashong  
kurim ? Ka jingim ka dei tang kaei, phi  
tip ia kata ? Tang shijam sha temlabyrhuin  
ka ranab lum Bah Khang.

Khang- : Da lei lei ruh phin nym suk : ia kata nga  
thong tip shai.

Shondro : Balei phi tda padsharyntoh sha ka bymtip  
Bah Khang ? Phim ju tip ba tang u briew  
uba kwah tang khyndiat kiei kiei u long  
uha suk ?

(Hamar kata ka por Ka Lakyntiew ka rung)

Lakyntiew : Map, nga pyntbut ia phi. I Kong Nabon  
I shu kwah ban tip kaei kaba mih na ka  
jingiakren

Shondro : Shong, shong Kong La ; ka jingiakren kala  
kut.

Khang- : (U phai sha Ka Lakyntiew) Kmie, phi lah  
thong ban ong ia I Kong Nabon ban wan.

Shondro : Sa nangiashong ma phi khyndiat, ngan rung  
sha kamra ban kbreh.

Lakyntiew : (Da kaba leh kyndit katlah katiai) Phin leit  
noh mynta mynta hi seh ?

Shondro : Hoid Kong La, shisien bala rai, ym ju bit  
ban buhteng.

Khang : Phim lah ban leit mynta ka sngi.  
thong

Shondro : Ym lah balei kein ! Ngam don shibun kiei  
kiei ban rah !

Khang- : Ki kam ki jam pat ?  
thong

Shondro : Wat khuslai : ngan ieh ia ki baroh ha ka  
jingsumar jong phi. Nga ngeit phin nym  
kyntait. Khublei, nga don tang khyndiat eh  
ka por.

(Mih noh artad)

## Scene III

**Lakyntiew :** Kpa, I ong kumno I Bah Shondro ?

**Khang :** Kat ka jingsuba jong nga... imat I don briew ...  
thong

**Lakyntiew :** Ka Samla ne ! Em phi : imat I lah ban  
long I lok jongno ne jongno.

**Khang- :** Hynrei . diang diang dang dang pat I len...  
thong

**Lakyntiew :** I dei ban don . namar jan baroh ki shyn-  
rang mynta ki leh kumta, bad kata ka briew,  
katkum ka jingsogewthuh jong nga ka dei  
ban don kano re ka jingthmu. Hynrei ynda  
la pynshong nongrim bha pat, u briew uba  
kum ka jinglong jong Bah Shondro, horkit  
un nym long kumta.

**Khang :** Phi ju bna ei ei shaphang jong I Kmie ?  
thong

**Lakyntiew :** Ia kata te em phi Kpa Haduh mynta ym  
pat ju don ba siaw .

**Khang- :** Phi la pynthikna na I Kong Nabon pat?  
thong

**Lakyntiew :** Lada don kum kata, in jin da la saham ha  
nga la siem.

**Khang- :** Namar kum u riwain, nga lap ba don tang  
thong artylli ki daw jong ka jingiapait khiewja.  
Wei, ka peisa tyngka. Ar, ka iaid haneng  
harum. Lada ym dei na kine, te. yn don  
daw da kaei pat ! Jingduna ruh im don.  
I biang hadong hadong.

**Lakyntiew :** Haba kumta ngin ialeh kumno ?

**Khang- :** Sa tang I Kong Bon hi kein... ..  
thong



Lakyntiew : Kpa, kam long kaba suk ia I habh I ia  
tip lyngba ba I Bah Shon im jeit shuh ia I,

Khang- : Kmie, wat klet ia kane : U Bah Shon U  
thong dei hi u briew bad I Kong Bon I dei I lox  
jong I. Mynta I dei ban shim ia ia ka  
jingkit khleh. U Bah Shon u dei u briew  
uba lung mynsiem, bad I Kong Bon I dei  
ban nang ban pyadokam ia kane ka atiar.  
Kmie, phim put don ha Kashari kum manga.  
Namar kata, phi dei ban bthah bha ia I  
Kong Bon.

(Ka Shanti ka rung bad U Khangthong u  
mihnoh).

Lakyntiew : Pha wan leh aiu shane ?

Shanti : Nga kwah iakynduh bad khublei khatduh  
ia I Mama Shon.

Lakyntiew : Ioh pha mut bud ia I ne !

Shanti : Ioh I kwah pat ia nga ban leit lang !

Lakyntiew : Mih sha lait. (Hamar kata ka por Ka  
Nabon ka rung bad ka Shanti ka mihnoh).

Nabon : I Bah Khang I bthah ban iakynduh ia phi  
shuwa ba phin ia kynduh ia I Kpa ! Hana  
phi don ei ei sha ban bthah ?

Lakyntiew : Hoid kern. Nga sngewdonkam ban bthah  
ei ei ia phi shuwa ba phin iakynduh ia I  
Bah Shon.

Nabon : (Kren jam) Mynta I don haei ?

Lakyntiew : Hapoh kamram bad I khreh lum ki tlar  
ki tar.

Nabon : Khreh lum ! I mut ban mihnoh mynta  
mynta hi ! Nga nang pyrkhath I shu kren kai.

**Lakyntiew** : Lehse tang shipor... in sa wanphal.

**Nabon** : Shipor ! Ka bym lah long .....

**Lakyntiew** : Kong Bon, phim lap jingpher ei ei ha I  
ha kine ki sugi ?

**Nabon** : Em, I long hi kumba ju long : bad ngam  
da pynlut por than eh ruh shaphang kita  
kiei kiei. I Kpa I long I briew iba beit  
bad basngur : hynrei tang namar ba duh  
ka business in iehnoh ia nga bad ia ki khuu !

**Lakyntiew** : loh phi suba ei ei ?

**Nabon** : Ngam ngeit ba I long kumta. Ha ka jingim  
jong ngi ngim ju ia mushlia : nga ngeit ba  
ha ka longiing dei ban long kumta. Kine  
ki shynrang teng teng ki long kiba danda  
danda shisha.

**Lakyntiew** : Peit shane Kong Bon : ha ka jingiohi jong  
nga nga lap ba I Bah Shonpro I kwah aiu  
re aiu na phi.

**Nabon** : Kwah aiu pat ; haba nga la pynbiang na  
khlich ha kjat !

**Lakyntiew** : Lehse I lap ba phim da leh suitniew !

**Nabon** : Khatkhyndai snem kynthih ngi la iashong  
iasah ryngkat yn dang suitniew sa ja kaei  
pat ? Nga pynbiang ka shet ka tiw, ka  
ka jing ka sem, ka kper ka phrah bad kum  
ka bordi haduh dangkhe haduh ban da thiah,  
te, yn suitniew sa ia kaei kein ?

**Lakyntiew** : Phi la leh bha kein Kong, hyarei.....

**Nabon** : Kawei ka jinglong ba khyllah bad I Kpa  
ka long ba im ju nang danda ne biria kum  
I Khangthong.

**Lakyntiew** : Sngewbha Kong Nabon klet noh ia kata shuwa, I Kpa I ong ia nga ban lathuh ia phi ba dei tang ma phi hi kaba lah pynkylla ia ka jingmut jong I Bah Shondro.

**Nabon** : Ani ! ka pyrthei aiu sha mo kum kane ! Haba ka tnga ka jehnoh ia u tnga ki ong namar ba u lehbein : haba u tnga pat u jehnoh ia ka tnga ki ong namar ba kam lah pynbiang. Ka ba da sngewjah burom noh teh.....

**Lakyntiew** : Haba kumta phin ong kumno ha I ?

**Nabon** : Ngan ong aju kein ! Sngap lem ma phi kein ! Ngan khroh kein ia I ba im dei ban leh kumne khamtam ha ka por ba ki khun ki dang sdang khie samla kumne bad ba ki dang donkam eh ia ka jingkyrshan met mynsiem jong I

**Lakyntiew** : Hynrei ki shynrang kim ju pyrkhath kumba phi pyrkhath. Phi dei ban ktah ia ka dohnud jong I. Barabor ngi ki kynthai ngi jop namar ba ngi tip hanguo ba u shynrang u tlot. Ha nga hi nga sngew ba phi dei ban bat ia u da ki ummat,

**Nabon** : Ngam ju nang te phi Kong La han iam bad nga da isih ruh ia kito kiba iam : ngam tip balei.

**Lakyntiew** : Kong Bon, ia phi lah ne phim lah phi dei ban lah. Kren da ka jingieit bat ia ka dohnud jong I.

**Nabon** : Haba ngam ju leh lada mynta ngan leh, in rkhe bein pynban ia nga. Nga ngeit kan khambha ba phi pynkren lem namar jongnga.

**Lakyntiew** : Hynrei kumno pat kein ngan leh ieit ia I kumba phi phi leh ! Hynrei ia katta ruh ngan pyrshang.

(Ka Nabon ka mih bad ka Lakyntiew ka plie ia ka jingkhang katba ka Shimti ka nangsnagap tuh narud jingkhang).

Lakyntiew : Bah Shon, ka jingleh jongphi ka pynpaw shai ha nga ba phi phim sngewthuh katno I Kong Bon I pyrkhat namar jongphi.

Shondro : Wa, I Kong La, phi kren lei kumta ! Khat khyndai snem phi tharai ngam sngewthuh !

Lakyntiew : Te balei kein ! Phi tip haduh katno I Kong Bon I ieit ia phi ?

Shondro ; Hynrei ngam ngeit pat ba I da ieit hok.

Eakyntiew : Phi artatien lei mo !

Shondro : Phi hi phi tip em ba im da salia shibun ia nga ! Namar kata, sngewbha wat pynlut kai ia ka por jongnga.

Lakyntiew : Hynrei ka dei pat ka kamram jongnga em ban leh ei ei halor kano ?

Shondro : Lada kumta, kren shai bad beit.

Lakyntiew : (Da kaba leh mynleh kyndit) Nga shu tip ba phi la kut jingmut ban mihnoh ... ..

Shondro : Kata kam pynphylla ei ei ia nga....da kaba shai nga la kren .....

Lakyntiew : Phi tharai ngam don dohnud ! Ki kbmata jongaga kim twad ia ka dohnud jongphi mynba phi khublei ia nga mynshem taiew !

Shondro : Nga tharai em ; da ki spah sien nga la khublei ia phi.

Lakyntiew : Hynrei ym kumba mynshem taiew.

Shondro : Sngewbha kong La wat leit sngewthuh bakla.

**Lakyntiew :** Nga iohi ia ka jingpdang ka dohnud jong phi haba phi peit ia ka jinglong ki khun bad tnga; ka jinglong ki khun jongnga bad u tnga jongnga ruh kumjuh. Nga sngewthuh ba ka dohnud jongphi ka jnang ka khuslai.

**Shondro :** Sngewbha Kong La, wat pynpharia shuh shuh ia ka dohnud jongnga.

**Lakyntiew :** Phi ngeit nga ruh nga hun nga suk ha kane ka jinglong? Ngam suk ban iohi ba ki khmat jong phi ki tynrah ia ka dohnud jong nga. Da kaba shai nga sngewthuh ba I Kong Bon im lah ban ngam sha ki khun ka dohnud jongphi lymne pei ia ki jingpyrkhat jongphi: hynrei ngam lah pat ban leh ei ei.

**Shondro :** Sa tang ngin ia kren jar jar ... ..

**Lakyntiew :** Nga sngewthuh shai phi ieit ia nga: namar ki khmat ka kyothei ki rung peiba ia ka dohnud u shynrang. Nga ruh nga kwah ban iathhuh iaphi ba nga ieit ia phi. Hynrei ia mynta ngam kwah ba phin ong ia nga ban ieit bad phi namar nga don u tnga bad ki khun.

**Shondro :** Balei mo Kong La phi kren kumta : phim suk seh bad I Bah Khang ?

**Lakyntiew :** Oh Bah Shon, phim tip seh haduh katno ka dohnud jongnga ka pait ka pdang wat ia ka khmat jongnga ka kup ia ka jingphuh samrkhie.

**Shondro :** Kong La, teng teng ka bha ia u briew ban pyrkhat arsien ia kiei kiei baroh,

**Lakyntiew :** Ne nga pynsngewsih eh ia phi Bah Shon !  
Phim tip ba namar jongphi nga kloj ban

iehnoh shadien ia kiei kiei baroh ? Hynrei  
ngin im daei keln haba ngim don peisa ? Ngim  
lah ban im tang da ka jingieit: bad kum  
ka kynthei briew nga hap ban pyrkhath.

**Shondro** : Kaba dei kaba phi ong: Lada phim sngew  
ei ei sngewbha shah ia nga ban pyndep ia  
la ka jingkhreh.

**Lakyntiew** : Hynrei shuwa ba ngin ia khlad, phin doh  
em ia nga ! (Da kaba tieng bad kiuh ioh  
don mano mano ba ichi ki iadoh baroh ar-  
ngut kham slem)

**Latemon** : Nga la ai haphi ym tang ia met hynrei ia  
ka dohnud hi baroh kawei. Khublei ngin  
sa iashem pat.

(Ka mih da kaba pyniaw ia lade katba u  
Shondro u jeng kumba shohblet harud jing-  
khang. Hamar ba un khang, ka Shanti ka  
rung)

**Shondro** : Wa ! Shan ! Phi leh aiu hangne ?

**Shanti** : Nga shu peit siar haduh ba I Mei in da  
mih. Mama. nga don ei ei ban ong iaphi.

**Shondro** : Ong .....ong.....

**Shanti** : I sdang pynbieit sa ia phi de ne ! I nang-  
pyrkhat ba phin mihnoh namar I Nah-nah ...

**Shondro** : Phi sngaptuh ne na kyndong ?

**Shanti** : Ngam da donkam ban sngaptuh : nga tip  
lut ia ka jinglong jong I. I ju pyrkhath ba  
baroh ki shynrang ki ibha ia I

**Shondro** : Kaci mo kaba pynlong kumta ?

**Shanti** : Lada kat ka rta jong I i pynlut por tang ha  
ka tah lipstick bad pain powder te ngam  
tip shuh .....

**Shondro :** Peit shane Shan, ka por ka la thmit; lada phi don ei ei kren beit. Kam dei hok ia phi ban kawarg ktien ia la ka kmie: namar kata, ia kaei kaba phi mut ban kren kren beit.

**Shanti :** Mama, phim kwah ia nga ban wan lang bad phi ?

**Shondro :** Khublei shibun Shan: nga kwah ban leit hi marwei.

**Shanti :** Phim blaw phim kynjah ban leit tang marwei ?

**Shondro :** Phi i Shan, had ea ba nga la shongkurim 19 snem. nga la sngewthuh kaei ka blaw kaei ka kynjah.

**Shanti :** Ban don bad ka Samla briew pat te Mama ka iapher shibun Ngan nym pynsalia ia phi kum ka tnga, pynban ngan iarap ia phi ha kiei kiei baroh.

**Shondro :** Shan, mano ba buh kum ia kane ka jait jing-pyrkhat ha ka jabieng jongphi ?

**Shanti :** Mama, hok ngan iathuh ia phi nga la thait ban shong ha jing Nga kwah ban mad ia ka pyrthei.

**Shondro :** Bad u briew uba ka rta kat ma nga !

**Shanti :** Te pher aju kata !

**Shondro :** Kumno pat ngan jubab ha ki lok ki jor ? Ngan ong ba phi dei ka khun ?

**Shanti :** Ym dei kumta Mama. Tang ba ngan shu shong shu sah bad phi.

**Shondro :** Phi long kumta: baroh abikatta ngam shvm pei satia. Kata phi kwah ka jingiadei iajan kaba tang shipor ym dei ?

**Shanti :** Peit shane Mama : ynda phi la ngiah ia nga phi lah ban beh noh. Nga dei ka sotti 'bad niar eh ha kine ki sngi phin ioh ka sotti kaba la kat ka rta jong nga.

**Shondro** : Shan, ban iathuh ia ka jingshisha ; wat la nga iet nga sngewbha ia phi : hyhteil la mynta hi ngam sngewdonkam. Ka pyrtheil kan kynnoh ba U Shondro u iaphet bad ka samla lud ka-ba dang 17 snem bad iehnoh la ka tnga ki khun.

**Shanti** : Phi tieng seh Mami sa tang i rat kata ruh ! Slem katno kin kren bad iathuh khana, hyn-rei lada phim ibha ia nga pat, kata ka loag kawei pat.

(Ka sdang ban iam)

**Shondro** : Balei phi iam Shan ?

**Shanti** : Namar nga iet ia phi bad ngam kwah baphin leit khlem manga

**Shondro** : Phim lehrain ban jashong iesah ryngkat bad u tymmeh ?

**Shanti** : Lehrain ! Lah maki kein ban ia ki samla thadlad mynta Ki rangbah kim lehkai lymne kren kai : nga tip ruh phim dei u riexkai. Phi johi em ia ka jinglong ka ung jong ngi ? Ki kren sa tang ia ki khana eit suda : ka burom ka akor kam don shuh.

**Shondro** : Ioh nga kum krenkai pat ; Bha ba phin nym pha ia lade.

**Shanti** : Phi i Mami haba ki briew ki hym ju birla ki birla phim nym pyrkhat ne nong ei ei.

**Shondro** : Shano ki don ki jong I Lily, U Nojer ? Khot phi ia ki.

(Ka Shanti ka pyrtu bad ka Lily ka rung)

**Lily** : Phi khot ia nga me pa ?

**Shondro** : Hoid Khun. Shawa ban mih ngi kwah ban ong ei ei ha phi bad ha I Mei, Te katba im



put wan, sngewbha pynrah lem ia ki tiar  
ki tar baroh bad buh ha ka kall. I Nojer  
pat I don haei?

Lily : I khang khyrdep ia lade hapoh kamra naduh  
hynne.

Shondro : Balei mo I leh kumta?

Lily : Ba I la mong than kein ba phi ong ba phi  
la ngiah ia jlep ia ngi. Nga ruh shisieq  
mong nga la mong, hynrei ynda nga la pyr-  
khat bha pat..Pni i Pa nga la kum tharai  
sajew ruh ia phi...

Shondro : Balei mo khun?

Lily : Ngam nang ong balei : hynrei ynda nga la  
pyrkhat bha pat nga sa sngewthuh. Baroh  
shikatta ngi ia long nongwei ha iing.....

Shondro : Phi ngeit khun ba ngi donkam ban ia sngew-  
thuh iwei ia iwei?

Lily : Kaba shisha Pa...haha ka jingieit ka don.

Shondro : Hynrei ngi don pat em la ki jong ki jong  
ki jingduna?

Lily : Ia kata te phi Pa yn phylla lei! Hynrei  
ka jingieit ka taplup ia kita baroh. Kaba  
phylla ha nga balei mo Pa ba ka jingieit  
kam ju neh slem?

Shondro : Ki dei ki iinglong jongngi hi kiba pynlong  
kumta. Ng i ju pyrkhat katno ka iing kan  
kham phyrui haba ka jingieit ka synshar?

Lily : lathuh seh Pa, balei phim suk shuh ban  
shorg ban sah ryngkat ha iing?

Shondro : Khua nga don sa tang khyndiat snem ban  
im; te balei kein ngan shu pynleh noh ei ia  
kita ki snem ba dang sah. Ha khamat u briew  
bad U Blei nga la pyndep la ka kamram kum

u kpa bad kum u tnga bad nga johi ba ka lawei kab. dum ka ap ia nga. Khun, nga kwah ban lait na ka. Ia mynta bi nga don sa tang kane ban ong: ieng ha la ki kjat.

Lily : Ia kata nga sngewthuh Pa

Shondro : Lada phi la sngewthuh: to leh kumta bad u Blei un kyrkhu ia phi.

Lily Khublei Pa, ngin sa iashem pat. (Ka mih noh artad)

(Hamar kata ka por Ka Nabon ka 'rung bid U Shondro u ieng ban pdiang ia ka)

Nabon : Phi da mut shisha ne Kpa ban mih non na iing ?

Shondro : Hoid kmie, nga la dep khreh ban mih.

Nabon : Kpa phi pynpait ia ka dohnud jongnga bad phi bret ia ka lawei ki khun ha ka iyer

Shondro : Kmie, sngewbha wat kren ia kaei kaei kaba phim da mut shisha na ka dohnud.

Nabon : Phi tip em Kpa katno nga ieit nga burom ia phi ?

Shondro : Ka rymmiang shyntur ka ong kumta: hynrei ngam ngeit pat ba ka dohnud ka mynjur ia ka.

Nabon : Te phi mut Kpa, ka jingieit ka dei kaei ?

Shondro : Ia kata phi tip khambha ma phi kmie, Shisien lgi la ia ieit bad ia kata ngam klet.

Nabon : Kata phi khmih lynti ba ngan long kumjuh kum myn 19 snem mynshuwa ? Ka jingieit ka dei ka jingiasyllok bad jingishaniah iwei ia iwei em ?

**Shondro :** Hynrei ngi pat ngi im kum ki nongwei bad ngi donkam em ia ka jingithuh ithaw bad ka jingiadei iajan kaba thymmai ? Hato ka dohnud jongngi ka sakhi ba ngi da iaieit shisha iwei iwei ? On! ka da long kaba da eh sat ia ki arngut ban iashong iasih ryngkat haba ka jingiaieit kam dou.

**Nabon :** Hynrei nga shari h bad nga sroh haphi kum u nga bad u Kpa !

**Shondro :** Ka jingshaniah bad jingsnoh khlem ka ding ka jingieit ka long kaba piah bad hym don dor Hoid ka ji gphet jonenga kan ktah shipor ia ka burom jongphi, katba ia ka dohnud te em.

**Nabon :** Lada kumta, te ngan ong lei ba nga iet ia phi ?

**Shondro :** Ngan peit ia phi tang lada phi iathuh ia ka jingshisha baroh.

**Nabon :** Kpa, nga te ngam tip shuh ka jingshisha aiu pat ngan ai nalar kale! Phi kwah aiu na nga ?

**Shondro :** Khe, kane kam pynskhem satia ia nga .....

**Nabon :** Kata phi mut ban ong Kpa ba ka jingshong kurim ka pyutnga bad pynkmen seh ? Lada ka long kumta te balei pat ka ai ka teh ka khum bad ka Balang ka pynkyntang ? Namar don bun ki kyntnei kiba shem ba ka jingshong kurim ka long pyuban ka jingban khia ia ki.

**Shondro :** Haba kumta, te balei pat ki iaieit ?

**Nabon :** Namar ba ka pyrthei baroh kawei ka sdien ha ka em ! Ka shu long hi kumba ka dei ban long : bid ka long ka burom ia ka bad ia ki khun ki kti. Hato kane ka jingleh jongphi kam dei ka kam runar kaba thmu ban pynshah jingit ia ki khun ?

Shondro : Sawphewsan hajar tyngka nga la buh kyrpang namar jongki. kin shah jingit lei! Tang sanhajar tyngka nga buh ia lade!

Nabon : Phi mut ba ngan im bad bsa khun tang da kane seh?

Shondro : Ka la biang eh kein Ki khun baroh ki la lait skul bad sa kamaj em!

Nabon : Ka pyrthei pat kan ong kumno kein!

Shondro : lathuh ia ki lok bad ki para marjan marpa baroh ba nga don ka jinghot, bai namar jongka nga hap ban iehnoh ia phi.

Nabon : Hato kin nget seh ia kata? Kin pharep bad suba sniew pynban laiphew jait.

Shondro : Kmie. wat pyrkhath ba ngi iehnoh ia la ka tnga bad ki khun khlem pyrkhath. Ai kin kren katba ki kren : ia la ka kamram ngan pyndep.

Nabon : Hynrei ka dei em ka kamram jong u kpa ban don ha jing?

Shondro : Hato kata kan pynmyntoi ma!

Nabon : Nga nget kan pynmyntoi Kpa. Baroh ngin trei shitom bad pynbiang katba ion synei. Hato nga bad phi ngim shym la ia kular hakmat ka duwan ban ia im ryngkat ha ka suk ne ka shipa?

Shondro : Kmie. phi long shisha ka kynthai kaba kat ka kynthai.

Nabon : Kpa, ngam dei kaba bieit : phin tip haduh katao nga la pynshitom ban pyrkhath shi iai pyrkhath hlor kale ka kam. Lehs shi-sien ka ngi phin sa kymaw ia kai kaba nga la kren.

(Wan rang ka Lily)

Lily : Pa, Pa !

Nabon : Rung hapoh, mynta nga dang ia kren bad I Kpa.

Lily : Nga shu wan ban iathuh ba ia ki tiar ki tar baroh nga la dep buh hapoh kali.

Shondro : Kata ym don ei ei shuh em ! Khublei shi-bun, nga la leit.

Nabon : Mynta te em, em Kpa ?

Shondro : Em Kmie, mynta hi.

Nabon : Phin shu leit kumno ké n Kpa haba tang kren ruh ym pat dep! Nga dang doa bua kiei kiei ban kren.

Shondro : Kmie, nga ngéit ngim put ju ioh lad kum kare ban iakren bad ia phylliêw jingmut. Ngi la ia kren naduh ka jingieit had ih ka ling-ling longem. ki khun ki kti, ka kam ka jam bad ki peisa ki peilajo. Dang don sa aju pat kmie ba ngin dang ia kren ?

Nabon : Ka la shu longjyndat kein Kpa Tang ban pyrkhat ruh ngam shym ioh por: la shu bret ia nga ha ki jingat phyllung ka duriaw ki jingpyrkhat. Nga up ngam lah ban bat bôf ia phi .. ...

Shondro : Kmie, shim ia nga tang kum uwei na ki nongiaid lynti tang ha ka jhid ka jingim, uba phi iohi bua kiei kiei ha nga ha kano ka jingiaid lynti Mynta ngi la poi ha ka kadlieng bad ngi dei ban hiar rynglew : phi bu la ka jingleit, nga ha la ka jingleit.

Nabon : Sngewbha wat kren seh Kpa kumta. Ka dohnud jongnga kan bthei bad ki ummat kin jaw .....

Lily : Te batei Mei phim iam Baba kumta !

Nabon : Nga da kwah ia phi Kpa ba phin sah; hynrei ngim ioh kyntien pat ban kti ha ia ka dohnud jongphi.

**Shondro :** Ia kata nga tip Kmie, namar ka dohnud jong phi kam mon shuh ia nga ba ngan sah. Poi don ha la ka pyrthei, nga ha la ka jong : nga iohi ia ka lyati bah thymmai jong ka jingim jong phi kaba phi la khreh la slem: Kmie, namar kata, nga don sa kine ki kyntien khatduh ban ong khublei U Blei un don ryngkat bad phi.

(U doh ia ka kumba u ju leh bad ka ruh ka ka shah sngewbha kumba ka la ju shah)

**Nabon :** Ngam tip shuh Kpa balei mo phi shu leh kput kumne !

**Lily :** Pa, nga la thep ka waitbnoh de ha ka bedding jong phi ioh kumno kumno phi donkam ia ka.

**Shondro :** Khun, phi long shisha ka khun kaba kat ka khun: kaba sngewthuh ia ki khriang ki jur ka jingim.

**Nabon :** Phin leit hiar lei kein Kpa shaduh kata ka kyrdan !

**Shondro :** Mano kein Kmie ba tip ia ka lawei! Ha nga kano kano ka kam ka long kaba kyntang.

**Nabon :** Ka pyrthei kan ong kumno kein !

**Shondro :** Kmie, ba ngan jin da pynshah shkor aiu ka pyrthei ka ong, ngan jin da la sah ryngkat bad phi wat la ka dohnud ka khem. Nga klet ia ka pyrtrei bad nga pynshah shkor aiu ba ka dohnud ka ong. Khublei ia phi baroh. (U doh ia ka Lily bad bak u isid sha ka kali khlem kyrtiang dien:) Ka kali ka start bad wut ka isid kaba ka Nabon ka shu ieng thapnger hajuh kum kaba bieit)

**Nabon :** Balei mo ka dohnud jongnga ka pdang kum ban bthei !

( LA KUT )



---

***La Shon ha Sawlyer Printing Press***  
***Lumdiengjri Shillong—2***

---